

ANG PAG-AARAL NG BIBLIA SA AKLAT NI JUAN



Sinabi sa kaniya ni Jesus, Ako ang pagkabuhay na maguli, at ang kabuhayan: ang sumasamapalataya sa akin, bagama't siya'y mamatay, gayon ma'y mabubuhay siya.

—Juan 11:25

BAKIT NAILIMBAG ANG EBANGHELYO AYON KAY JUAN?

Nguni't ang mga ito ay nangasulat, upang kayo'y magsisampalataya na si Jesus ay ang Cristo, ang Anak ng Dios; at sa inyong pagsampalataya ay magkaroon kayo ng buhay sa Kaniyang pangalan.

— Juan 20:31

Tinawag ni Juan ang kanyang sarili na “ang alagad na minamahal ni Jesus.” Lubos na pinahalagahan ni Juan ang pag-ibig ni Jesus at naging matalas ang pandama tungkol sa misyon at layunin ni Cristo sa sanlibutang ito.

Sinulat ni Juan ang mahalagang aklat na ito upang patunayan na si Jesus ay Dios na nagkatawang tao. Mula sa daan-daang kababalaghang ginawa ni Jesus, maingat na pinili ni Juan ang mga kababalaghang nagpapatunay na si Jesús nga ay Dios. Tinawag niya ang mga kababalaghang ito na “mga tanda.”

Pinatunayan din ni Juan na ang mga lider ng relihiyon sa panahong iyon ay namumuhi kay Jesus at sila mismo ang nagpapako sa Kanya. Iyon ay dahil sa pag-angkin ni Jesus na Siya ay kapantay ng Dios! Ipinakita ni Juan kung paanong naip plano ni Jesus na Siya ay maging “Kordero ng Dios” na nag-aalis ng kasalanan ng sanlibutan.

Layon ni Juan na ang mga bumabasa ng kanyang Ebanghelyo (Mabuting Balita) ay sasampalataya kay Jesus at tatanggap ng buhay na walang hanggan.

Ang aking panalangin, sa pamamagitan ng pag-aaral ng Mabuting Balita ayon kay Juan ay mailapit ka kay Jesus upang Siya ay sampalatayanan at tanggapin mo sa iyong buhay bilang iyong Tagapagligtas at Panginoon. Si Jesus ay Buhay at Kanyang ibinabahagi ang buhay na ito sa iyo hanggang sa walang hanggan. Bakit hindi mo gawin ngayon na itakwil ang dati mong pagkatao at Siya ay iyong tanggapin? Pasalamat mo Siya para sa bagong buhay na ibinigay sa iyo. Makigalak sa pakikisama sa Kanya araw-araw. Ipamuhay ang bawa't araw para sa Kanyang kaluguran. At sabihin sa iba ang tungkol kay Jesus. Sila man ay mahal Niya!

—Ginang V. R. Benson

PAANO PAG-AARALAN ANG SALITA NG DIOS?

1. Hingin ang tulong ng Dios sa pamamagitan ng panalangin. Kinakailangan mo ang tulong ng Dios upang maunawaan mo kung ano ang iyong pinapagaralan sa Biblia. Gawin mong panalangin ang Mga Awit 119:18, "Idilat mo ang aking mga mata, upang ako'y makakita ng kagilagilalas na mga bagay sa iyong kautusan."

2. Basahin ang mga talata ng Kasulatan ng maingat sa isang tahimik na lugar. Lagyan ng guhit ang mga salitang higit na nakakaagaw ng iyong pansin. Alalahanin mong lagi na ang Dios ay nangungusap sa iyo sa pamamagitan ng Kanyang Salita.

3. Sagutin ang mga tanong mula sa mga talata sa Biblia.

4. Pag-aralan ang mga sasauluhing talata. Basahin ang bawa't sauluhiing talata at mga sangguniang talata ng malakas ng maraming ulit hanggang sa mabigkas mo ito ng hindi tinitingnan. Araw-araw ay bigkasin mo ito ng malakas upang madali mo itong maalaala. Maaari mo itong bigkasin sa isang kaibigan na maitutuwid ang mga kamalian, o di kaya'y isulat ang talata ng walang tinginan at pagkatapos ay ikumpara sa naka-lathalang talata upang matiyak kung ang bawa't salita ay tumpak. Kahit na alam mo na ang talata, ito'y balik-aralan ng minsan sa isang linggo at pagkatapos minsan sa isang buwan. Habang ito'y iniingat mo sa iyong puso, ang iyong pagsasalita at mga kilos ay mababago.

5. Pag-isipan mong mabuti ang Salita ng Dios na iyong nabasa, napag-aralan, at naisaulo.

Ang Dios ay nagbigay ng mahalagang mga pangako doon sa mga nagbubulaybulay ng Kanyang Salita araw at gabi:


Ang aklat na ito ng kautusan ay huwag mahihiwalay sa iyong bibig, kundi iyong pagbubulayan araw at gabi, upang iyong masunod na gawin ang ayon sa lahat na nakasulat dito: sapagka't kung magkagayo'y iyong paginhawahin ang iyong lakad, at kung magkagayo'y magtatamo ka ng mabuting kawakasan. —Josue 1:8

Kundi ang kaniyang kasayahan ay nasa kautusan ng Panginoon; at sa kautusan niya nagbubulaybulay siya araw at gabi. At siya'y magiging parang punong kahoy na itinanim sa siping ng mga agos ng tubig, na nagbubunga sa kaniyang kapanahunan, ang kaniyang dahon nama'y hindi malalanta; at anomang kaniyang gawin ay giginhawa. —Mga Awit 1:2, 3

6. Isabuhay kung ano ang sinasabi ng Dios. Sa Santiago 1:22 ay sinasabing, “Datapuwa’t maging tagatupad kayo ng salita, at huwag tagapakinig lamang, na inyong dinadaya ang inyong sarili.” Inihalintulad ni Jesus ang taong nakikinig ng Kanyang Salita subali’t hindi isinasabuhay ito sa isang taong mangmang na nagtayo ng kanyang bahay sa buhanginan. Pagdating ng malakas na hangin, ulan at baha, ang bahay ay nawasak. Nguni’t ang lalaki o babae, bata man o matanda na dumidinig ng Salita ni Jesus at isinasabuhay ito ay katulad ng matalinong tao na nagtayo ng kanyang bahay sa bato. Pagdating ng malakas na hangin, ulan at baha, ang kanyang bahay ay hindi natinag dahil ito’y nakatayo sa bato. Sa pagtupad lamang natin sa sinasabi ng Dios ang paraan ng paglago at pagiging matatag sa Espiritual na buhay at sa pagkakilala sa Kanya.

7. Ibahagi ang Salita ng Dios sa iba. Maaari mong ibahagi ang iyong natutunan sa iyong pamilya. Sinasabi sa Deuteronomio 6:7 na, “At iyong ituturo ng boong sikap sa iyong mga anak, at iyong sasalitain tungkol sa kanila pagka ikaw ay nakaupo sa iyong bahay, at pagka ikaw ay lumakad sa daan, at pagka ikaw ay nahihiga at pagka ikaw ay bumabangon.”

SALAYSAY BILANG 1. ANG DAKILANG PAGPAPAKILALA KAY JESUCRISTO



Juan 1:1-18

1Nang pasimula siya ang Verbo, at ang Verbo ay sumasa Dios, at ang Verbo ay Dios. **2**Ito rin nang pasimula'y sumasa Dios. **3**Ang lahat ng mga bagay ay ginawa sa pamamagitan niya; at alin man sa lahat ng ginawa ay hindi ginawa kung wala siya. **4**Nasa Kaniya ang buhay; at ang buhay ay siyang ilaw ng mga tao....

6Naparito ang isang tao, na sugong mula sa Dios, na ang kaniyang pangalan ay Juan.... **8**Hindi siya ang ilaw, kundi pumarito upang kaniyang patotohanan ang ilaw. **9**Nagkaroon ng tunay na ilaw, sa ma-

katuwid бага'y ang ilaw na lumiliwanag sa bawa't tao, na pumaparito sa sanglibutan.

10Siya'y nasa sanglibutan, at ang sanglibuta'y ginawa sa pamamagitan Niya, at hindi Siya nakilala ng sanglibutan.

11Siya'y naparito sa sariling kaniya, at Siya'y hindi tinanggap ng mga sariling kaniya.

12Datapuwa't ang lahat ng sa Kaniya'y nagsitanggap, ay pinagkalooban Niya sila ng karapatang maging mga anak ng Dios, sa makatuwid бага'y ang mga nagsisisampalataya sa Kaniyang pangalan: **13**Na mga ipinanganak na hindi sa dugo, ni sa kalooban ng laman, ni sa kalooban ng tao, kundi ng Dios. **14**At nagkatawang-tao ang Verbo, at tumahan sa gitna natin....

15Pinatotohanan siya ni Juan, at, sumigaw, na nagsasabi, Ito yaong aking sinasabi, Ang pumaparitong nasa hulihan ko ay magiging una sa akin: sapagka't Siya'y una sa akin....

18Walang taong nakakita kailan man sa Dios; ang bugtong na Anak, na nasa sinapupunan ng Ama, Siya ang nagpakilala sa kaniya.

Gawin Mo

A. Isulat ang iyong sagot sa bawâ't tanong. Kung hindi mo kayang sagutan ang tanong, basahing muli ang salaysay sa Biblia.

1. Sino ang "Salita o Verbo"? _____ (tal. 1)

2. Saan naroroon ang "Salita o Verbo" sa pasimula? _____
_____ (tal. 1)

3. Ano ang "Salita o Verbo"? _____ (tal. 4)

4. Saan nagliliwanag ang ilaw? _____ (tal. 5)

5. Sino ang ipinadala mula sa Dios upang magpatotoo para sa ilaw?

Ang taong nagngangalang _____ (tal. 6)

[Ito ay Juan Bautista at hindi si Juan na sumulat ng Ebanghelyong ito.]

6. Sino ang hindi tumanggap kay Jesus?

Ang Kanyang _____ (tal. 11)

[Bilang isang bansa, ang Israel bayang hinirang ng Dios-ay hindi tinanggap si Cristo.]

7. Anong karapatan ang ibinigay doon sa mga nagsitanggap kay Jesus? Karapatan na maging _____ (tal. 12)

8. Ang mga ipinanganak ng Dios ay hindi ipinanganak "sa _____, ni sa kalooban ng _____, ni sa kalooban ng _____, kundi ng _____." (tal. 13)

[Kapag ang isang tao ay naging isang anak ng Dios, ito ay isang himala na ang Dios lamang ang makagagawa nito. Ito'y hindi maaaring mangyari sa pamamagitan ng ipanganak ng Kristiyanong magulang; ito'y hindi mangyayari sapagka't nais mong ito'y mangyari; at ito'y hindi rin mangyayari sapagka't nais ng sinuman na siya'y ipanganak na muli. Ang bagong kapanganakan ay gawa ng Dios.]

9. Ano ang nangyari sa "Salita o Verbo"? _____ (tal. 14)

10. Saan nanirahan ang "Salita o Verbo"? _____
_____ (tal. 14)

11. Sapagka't walang sinuman ang nakakita sa Dios, sino ang dumating upang ipahayag kung sino ang Dios? Ang bugtong na _____ (tal. 18)

[Sapagka't si Jesus ay Dios, Siya'y maaaring nasa sanlibutan at kasama rin ng Ama sa iisang panahon, na kung Siya ay naroroon na mula sa walang hanggan tungo sa walang hanggan. (Ihambing ang tal. 18 sa tal. 1.)]

B. Isulat ang talatang ito at saka sauluhin: **Juan 1:12.**

Si Jesus Ay Dios—Siya Ay Dumating Sa Anyong Tao

Bago natin tanggapin si Jesus at sampalatayanan ang Kanyang Pangalan, kailangang alamin muna natin kung sino Siya. Ang tal. 18 ay nagsasaad na si Jesus ay dumating upang ihayag ang Dios sa atin, sapagka't walang sinomang tao ang nagkaroon ng ganap na kaugnayan at kaalaman patungkol sa Kanya. Ang kaningningan ng Dios ay lubhang napakaliwanag. Siya ay napakabanal.

Sapagka't ang tao ay makasalanan, ito ay namumuhay sa espirtual na kadiliman. Ang kadiliman ay ang sanlibutang ito na nagsisikap na kalimutan ang Dios at mamuhay ng wala Siya.

Ang sabi ng Biblia, **“ang Dios ay ilaw, at sa kaniya'y walang anomang kadiliman”** (I Juan 1:5). Si Jesus bilang Dios, ay tinawag na **“Tunay na Ilaw”** (tal. 9). Kay ganda na ang Tunay na Ilaw (Jesus) ay nagliliwanag sa madilim na sanlibutang ito upang ipakita sa atin ang Dios! Si Jesus ay larawan ng Dios—ang nakikita, nadidinig at nahihipo ng tao.

Si Jesus ay namuhay kasama ng mga tao. Ang salitang “naniirahan” sa tal. 14 ay nangangahulugang “dumambana.” Si Jesus ay dumambana sa atin. Ang dambana sa Lumang Tipan ay toldang-sambahan na dibuho ng Dios ng ang mga Israelita ay nagpalipat-lipat ng tirahan sa simula ng kanilang kasaysayan. Ang tabernakulo—at ng huli ay Templo sa Jerusalem—ay dako na kung saan ang Panginoong Dios ay naniirahan kasama ng kanyang mga hinirang. Sa dakong huli, ng ang mga Israelita ay magkasala, ang kaningningan ng presensiya ng Dios ay lumisan mula sa Templo. Subali't ngayon, sa katauhan ni Jesus, ang Dios ay nakipamuhay na mag-uli sa

Kanyang mga tao! Hindi ba't lubhang nakakalungkot na marami ang hindi kumikilala sa Kanya? Nguni't ang lahat ng tunay na nananalig sa Dios ay nakakita ng kaningningan ng Dios kay Jesus (tal. 14) ng Siya'y bumaba sa lupa.

Si Jesus Ay Ang Salita O Verbo Ng Dios

Ang sabi ng Biblia, **"Ang salita mo'y ilawan sa aking mga paa, at liwanag sa aking landas"** (Mga Awit 119:105). Ang iba pang pangalan para kay Jesus ay ang **"Salita o Verbo ng Dios."** (Ihambing ang tal. 1 sa tal. 14). Ang Biblia ay Salita ng Dios na nakatala at si Jesus ang Salita ng Dios na Buhay sapagka't ito'y sabi ng Dios patungkol sa Kanyang sarili sa pamamagitan ni Jesus.

"Ang Dios, ... ay nagsalita sa atin sa mga huling araw na ito sa pamamagitan, ng Kaniyang Anak" (Hebreo 1:1, 2a).

Si Jesus Ang Siyang Buhay Ng Dios

Inyo bang napag-isip-isip kung bakit tayo ay nagiging mga anak ng Dios sa oras na tanggapin natin si Jesus sa ating mga puso? Ito'y dahilan sa **"Nasa kaniya ang buhay"** (tal. 4).

Una, makikita nating si Jesus ang may likha sa lahat ng bagay (tal. 3 at 10). **"Lahat ng mga bagay ay nilalang sa pamamagitan Niya at ukol sa Kaniya; at Siya'y una sa lahat ng mga bagay, at ang lahat ng mga bagay ay nangabubuhay dahil sa Kaniya"** (Colosas 1:16b, 17). Si Jesus, bilang Dios, ay Siyang pinanggagalingan ng buhay. Siya rin ang nagpapadaloy ng buhay sa lahat. **"Yamang siya rin ang nagbibigay sa lahat ng buhay, at ng hininga..."** (Mga Gawa 17:25b). **"Ang kinaroroonan ng Anak ay kinaroroonan ng buhay; ang hindi kinaroroonan ng Anak ng Dios ay hindi kinaroroonan ng buhay"** (1 Juan 5:12).

Ikaw ba'y tumanggap na ng bagong buhay-espiritual na buhay, sa pamamagitan ng pagtanggap kay Jesus at paglagak ng lubos na pananalig sa Kanyang Pangalan? Kung gayon, ikaw ay Anak ng Dios, ipinanganak ng Dios, at nag-aangkin ng buhay na walang hanggan. Kung Siya'y hindi mo pa tinatanggap, bakit hindi mo gawin ngayon, ang tanggapin Siya sa iyong puso at ikaw ay magkakaroon ng buhay na walang hanggan?

Tinugon mo na ba ang Kanyang pagkatok sa iyong pintuan? Si Jesus ay nakatayo sa tabi mo ngayon, kumakatok sa pintuan ng iyong puso. Siya'y nangangakong, "... **kung ang sinoman ay duminig ng aking tinig at magbukas ng pinto, ako'y papasók sa kaniya...**" (Apocalipsis 3:20).

SALAYSAY BILANG 2. INIHANDA NI JUAN BAUTISTA ANG DAAN PARA KAY JESUS




Juan 1:19-34

¹⁹At ito ang patotoo ni Juan, nang suguin sa kaniya ng mga Judio mula sa Jerusalem ang mga saserdote at mga Levita upang sa kaniya'y itanong, Sino ka бага? ²⁰At kaniyang ipinahayag, at hindi ikinaila; at kaniyang ipinahayag, Hindi ako ang Cristo.... ²²Sinabi nga nila sa kaniya, Sino ka бага? upang ibigay namin ang kasagutan sa nangagasugo sa amin. Ano ang sinasabi mo tungkol

sa iyong sarili? ²³Sinabi niya, Ako ang tinig ng isang humihiyaw sa ilang, Tuwirin ninyo ang daan ng Panginoon, gaya ng sinabi ng propeta Isaias.... ²⁵At sa kaniya'y kanilang itinanong, at sinabi sa kaniya, Bakit nga bumabautismo ka, kung hindi ikaw ang Cristo, ni si Elias, ni ang propeta? ²⁶Sila'y sinagot ni Juan, na nagsasabi, Ako'y bumabautismo sa tubig: datapuwa't sa gitna ninyo'y may isang nakatayo na hindi ninyo nakikilala, ²⁷Siya nga ang pumaparitong sumusunod sa akin, na sa kaniya'y hindi ako karapatdapat magkalag ng panali ng kaniyang pangyapak....

²⁹Nang kinabukasan ay nakita ni Juan si Jesus na lumalapit sa kaniya, at sinabi, Narito, ang Kordero ng Dios, na nagaalis ng kasalanan ng sanglibutan! ³⁰Ito yaong aking sinasabi, Sa hulihan ko'y dumarating ang isang

lalake na magiging una sa akin:
 sapagka't siya'y una sa akin.
³²At nagpatotoo si Juan, na
 nagsasabi, Nakita ko ang Espi-
 ritu na bumababang tulad sa
 isang kalapati na buhat sa lang-
 it; at dumapo sa Kaniya. ³³At
 Siya'y hindi ko nakilala; data-
 puwa't ang nagsugo sa akin
 upang bumautismo sa tubig,
 ay Siyang nagsabi sa akin,
 Ang makita mong babaan ng
 Espiritu, at manahan sa kani-
 ya, ay siya nga ang bumabau-



tismo sa Espiritu Santo. ³⁴At
 aking nakita, at pinatotohanan
 kong ito ang Anak ng Dios.

Gawin Mo

Punan ang mga puwang ng wastong sagot.

1. Ang sabi ni Juan Bautista, Siya ay ang _____
 ng isang humihiyaw sa _____ (tal. 23).

2. Muling binanggit ni Juan Bautista ang sinabi ni Propeta Isaias
 na nagsasabing, “_____ ninyo ang _____
 ng Panginoon” (tal. 23).

3. Sinabi ni Juan na, si Jesus nga ang pumaparitong _____
 sa akin, Siya ay magiging _____ sa akin (tal. 27, 30).

[Ibig sabihin nito, bagama't si Juan Bautista ay siyang naghahanda
 ng daan para sa Panginoong Jesus, si Jesus, pa rin ang pinakama-
 halaga. Si Juan mismo ang may sabi na kahit siya mismo ay hindi
 karapat-dapat magkalas ng tali ng sandalyas ni Jesus. Alam ni Juan
 kung gaano kadakila si Jesus.]

4. Nang ituro ni Juan si Jesus para makita ng mga tao ay tinawag
 Siyang, ang _____ ng _____,
 sapagka't si Jesus ay mag-aalis ng _____ ng
 _____ (tal. 29).

5. Alam ni Juan na si Jesus ay Anak ng Dios, (ang Dios na
 nagkatawang-tao) sapagka't ang Espiritu ng Dios ay bumaba mula

sa langit katulad ng isang _____ at dumapo kay Jesus (tal. 32). Ito rin ang palatandaan na si Jesus ay ang Siyang magbabautismo sa _____ (tal. 33).

Ang Paghahanda Ng Daan Para Kay Jesus

Sa loob ng 400 taon, ang Israel na siyang bansa ng Dios ay walang propeta na siyang maghahatid ng mensahe mula sa Dios. Mayroon silang Lumang Tipan upang magsilbing gabay nila patungkol sa mga alituntunin at pangako ng Dios. Alam nilang ang Mesias, ang hinirang ng Dios na Tagapagligtas, ay darating upang Siyang maghari sa Israel. Sinabi ni Isaias na Siya'y ipapanganak ng isang dalaga at tatawaging "Emmanuel" (Isaias 7:14), na ang ibig sabihin, "ang Dios ay sumasaatin."

Sa palagay mo kaya, ang mga tao ay nagulat at natuwa ng marinig si Juan Bautistang nangangaral at nagsasabing magsihanda sila para sa pagdating ng Panginoon? Papaanong nakapaghanda ang mga tao? Si Mateo ay nagsasabing si Juan ay nangaral ng, **"Mangagsisi kayo; sapagka't malapit na ang kaharian ng langit"** (Mateo 3:2). Maraming tao ang binautismuhan ni Juan sa Ilog Jordan, "nangagpahayag sila ng kanilang mga kasalanan." Tingnan mo, bago maging handa ang mga puso, sa pagtanggap kay Jesus, sila ay kinakailangang maging handa sa paglayo sa kanilang mga kasalanan (pagsisisi). Kapag ikaw at ako ay handang tumalikod sa ating mga kasalanan—ating mga masamang saloobin, kaisipan, at kilos patungkol sa Dios at kapwa—tayo'y nagiging handa sa pagkilala kay Jesus bilang tanging "Daan" tungo sa Dios at tanggapin Siya bilang ating Hari at Panginoon. Ang uri ng bautismo ni Juan sa tubig ay upang ipakita ang paglilinis sa ating mga kasalanan. Si Jesus naman ang Siyang magbabautismo sa Espiritu Santo upang linisin ang ating mga kasalanan sa pamamagitan ng apoy (Mateo 3:11, 12) at bibigyan tayo ng bagong buhay ng pagkamatuwid (ang buhay mismo ni Cristo sa atin).

Naipahayag mo na ba ang iyong mga kasalanan sa Dios?

Si Jesus, Ang Kordero Ng Dios

Alam ng mga Israelita ang kahalagahan ng Kordero sa larangan ng pakikitungo ng Dios sa kanila. Nang ang mga anak ni Israel ay nasa ilalim pa ng pagkaalipin sa Egipto, maraming siglo na ang nakararaan, ang Dios ay gumawa sa puso ni Faraon na pahintulutang makalaya ang mga tao ng Dios mula sa Egipto. Gumamit ang Dios ng sampung salot upang ang Faraon ay magbigay pahintulot sa malaking bilang ng mga taong ito, na yumaon na. Ang pinakahuli at nakapanginigilabot na salot ay ang pagdalaw ng Dios sa lupain ng Egipto at ang lahat ng mga panganay ay mamamatay sa loob ng isang gabi lamang.

Subali't may paraan upang ito'y maiwasan. Bawa't tahanan na susunod sa ipinagutos ng Dios ay mabubuhay. Ipinag-utos ng Dios na magpatay ng korderong walang bahid. Ang dugong nito ay ipapahid sa mga hamba ng pinto ng bawa't tahanan. Kapag nakita ng Dios ang dugo, Siya ay "lalampas" sa tahananang iyon at ang salot ng kamatayan ay hindi mamiminsala doon. O, anong dakilang plano! (Exodo 12:1-42).

Anong ganda ng si Jesus ay simulang ipakilala sa publiko na "Kordero ng Dios"! Siya ay naparito upang maging korderong-handog, ganap at walang bahid ng kasalanan, upang ang Kanyang dugo ay maipahid sa pintuan ng ating mga puso at ng sa ganoon ang hatol ng Dios para sa ating sala ay "lumampas" sa atin! Sinasabi sa Hebreo 9:22 na "... **maliban na sa pagkabuhos ng dugo ay walang kapatawaran** (ng kasalanan)." Sa Levitico 17:11 ay sinasabing, "... **sapagka't ang dugo'y siyang tumutubos dahil sa buhay.**" Ang lahat ng kor-



derong pinatay sa loob ng maraming mga taon ay nagtuturo kay Jesus na Siyang darating bilang “Kordero ng Dios” na magbubuhos ng dugo upang ang lahat ng tatanggap sa Kanya bilang tagapagligtas ay tatanggap ng Kanyang dugo na siyang ipapahid sa pintuan ng kanilang mga puso. **“Katotohanan, katotohanang sinasabi ko sa inyo, Ang dumirinig ng aking salita, at sumasampalataya sa Kaniya na nagsugo sa akin, ay may buhay na walang hanggan, at hindi mapapasok sa paghatol, kundi lumipat na sa kabuhayan mula sa kamatayan”** (Juan 5:24).

Ang Isaias 53:7 ay nagtuturo din na, “... **gaya ng kordero na dinadala sa patayan....**” Si Jesus ay naparito upang mamatay para sa mga kasalanan ng sanlibutan. Bakit hindi mo siya pasalamatan ngayon din sa Kanyang pagiging Kordero ng Dios, at sa pamamagitan ng Kanyang dugong nabuhos para sa iyo at sa paglilinis ng iyong mga kasalanan; ang tanging nakikita lamang Niya ay ang ganap na hain ni Cristo na siyang nagpasan ng ating mga kasalanan at tumanggap ng hatol para sa atin. Purihin ang Dios!

Nais mo bang makalaya mula
sa bigat ng iyong sala?
Ang dugo’y may kapangyarihan.



SALAYSAY BILANG 3. ANG PAGKILALA KAY JESUS

Juan 1:35-49



³⁵Nang kinabukasan ay muling nakatayo si Juan, at ang dalawa sa Kaniyang mga alagad; ³⁶At Kaniyang tiningnan si Jesus samantalang siya’y naglalakad, at sinabi, Narito, ang Kordero ng Dios! ³⁷At narinig siyang nagsalita ng dalawang alagad, at sila’y nagsisunod kay

Jesus. ³⁸At lumingon si Jesus, at nakita silang nagsisisunod, at sinabi sa kanila, Ano ang in-yong hinahanap? At sinabi nila, sa kaniya, Rabi (na kung liliwanagin, ay Guro), saan ka tumitira? ³⁹Sinabi Niya sa kanila, Magsiparito kayo, at in-yong makikita. Nagsiparoon nga sila at nakita kung saan Siya tumitira; at sila'y nagsitirang kasama Niya nang araw na yaon: noo'y magiikasangpu na ang oras. ⁴⁰Ang isa sa dalawang nakarinig ng pagsasalita ni Juan, at sumunod sa kaniya, ay si Andrés na kapatid ni Simón Pedro. ⁴¹Una niyang nasumpungan ang kaniyang sariling kapatid na si Simón, at sa kaniya'y sinabi, Nasumpungan namin ang Mesias (na kung liliwanagin, ay ang Cristo). ⁴²Siya'y kaniyang dinala kay Jesus....

⁴³Nang kinabukasan ay pinasiyahan Niyang pumaroon sa Galilea, at kaniyang nasumpungan si Felipe: at sa Kaniya'y sinabi ni Jesus, Sumunod ka sa akin....⁴⁵Nasumpungan ni Felipe si Natanael, at sinabi sa kaniya, Nasumpungan namin

yaong isinulat ni Moisés sa kautusan, at gayon din ng mga propeta, si Jesus na taga Nazaret, ang anak ni José. ⁴⁶At sinabi sa kaniya ni Natanael, Mangyayari bagang lumitaw ang anomang magaling na bagay sa Nazaret? Sinabi sa kaniya ni Felipe, Pumarito ka at tingnan mo. ⁴⁷Nakita ni Jesus si Natanael na lumalapit sa kaniya, at sinabi ang tungkol sa kaniya, Narito, ang isang tunay na Israelita, na sa kaniya'y walang daya! ⁴⁸Sinabi sa kaniya ni Natanael, Saan mo ako nakilala? Si Jesus ay sumagot at sinabi sa kaniya, Baggo ka tinawag ni Felipe, nang ikaw ay nasa ilalim ng puno ng igos, ay nakita kita. ⁴⁹Sumagot si Natanael sa kaniya, Rabi, ikaw ang Anak ng Dios; ikaw ang Hari ng Israel.



Lumapit at Tingnan

Dalawa sa mga alagad ni Juan Bautista ay pursigidong ma-

laman pa ang maraming bagay tungkol kay Jesus ng kani-
lang marinig si Juan na nagsabing, “Narito ang Kordero ng
Dios!” Sila’y inanyayahan ni Jesus ng, “halikayo at tingnan
ninyo.” Siguradong maraming dakilang bagay ang kanilang
natutuhan tungkol kay Jesus sapagka’t isa sa kanila, si An-
dres, ay nag-ulat sa kapatid niyang si Pedro na nakatagpo
nila ang Mesias!

Ang ibig sabihin ng Mesias ay “ang ltinalaga”—ang taong isi-
nugo ng Dios bilang propeta, saserdote, at hari na siyang
mamumuno sa Israel. Kahit na si Moises ay sumulat tungkol
sa Kanya. Sinabi ng Dios kay Moises, **“Aking palilitawin sa
kanila ang isang propeta sa gitna ng kanilang mga kapa-
tid, na gaya mo; at aking ilalagay ang aking mga salita sa
bibig niya, at kaniyang sasalitain sa kanila ang lahat ng
aking iuutos sa kaniya”** (Deuteronomio 18:18).

Iniiisip mo ba kung sino si Jesus? Si Jesus ay nagsasabi sa
iyo ngayon, “Halika at tingnan mo.” Ang sabi ni Jesus, **“... Mag-
sihanap kayo, at kayo’y mangakasusumpung...”** (Mateo
7:7b). Kung ikaw ay lalapit kay Jesus, ikaw ay makaka-
sumpong! Makikilala mo siya sa isang personal na paraan!
**“At aking bibigyan sila ng puso upang makilala ako, na
ako ang Panginoon”** (Jeremias 24:7a).

Mga Patotoo Patungkol Kay Jesus

Kapag ang isang tao ay lumapit kay Jesus at makilala niya
kung sino Siya, sabik niyang ibalita ito sa iba, ang tungkol
kay Jesus! Ito’y ginagawa niya upang ang mga kaibigan
niya’y lumapit din at masumpungan si Jesus. Kung kilala mo
si Jesus, at natututo sa Kanya, ibinabahagi mo ba ang
mabuting balitang ito sa iba? Hilingin mo sa Dios na
bigyan ka ng pagkakataon na makapagbahagi sa iba upang
sila man ay “Lumapit at makasumpung.”

SALAYSAY BILANG 4. NAGDULOT SI JESUS NG KALIGAYAHAN SA ISANG KASALAN



Juan 2:1-10

¹At nang ikatlong araw ay nagkaroon ng isang kasalan sa Cana ng Galilea; at naroon ang ina ni Jesus: ²At inanyayahan din naman si Jesus, at ang kaniyang mga alagad, sa kasalan. ³At nang magkulang ng alak, ang ina ni Jesus ay nagsabi sa Kaniya, Wala silang alak. ⁴At sinabi sa kaniya ni Jesus, Babae, anong pakialam ko sa iyo? ang aking oras ay hindi pa dumarating. ⁵Sinabi ng kaniyang

ina sa mga alila, Gawin ninyo ang anomang sa inyo'y Kaniyang sabihin....

⁷Sinabi sa kanila ni Jesus, Punuin ninyo ng tubig ang mga tapayan. At kanilang pinuno hanggang sa labi. ⁸At sinabi Niya sa kanila, Kunin ninyo ngayon, at inyong iharap sa pangulo ng kapistahan. At kanilang iniharap. ⁹At nang matikman ng pangulo ng kapistahan ang tubig na naging alak nga, at hindi niya nalalaman kung saan buhat (datapuwat nalalaman ng mga alila na nagsikuha ng tubig), ay tinawag ng pangulo ng kapistahan ang kasinghang lalake, ¹⁰At sinabi sa kaniya, Ang bawa't tao ay unang inilalagay ang mabuting alak; at kung mangakainom nang mabuti ang mga tao, ay saka inilalagay ang pinakamasama: itinira mo ang mabuting alak hanggang ngayon.

Gawin Mo

Punan ang mga patlang sa pamamagitan ng paggamit ng mga salita mula sa salaysay:

1. Sinabi ng nanay ni Jesus sa mga alipin, “_____.” (tal. 5)
2. Nang sabihan in Jesus ang mga alipin na punuin ang mga banga, pinuno nila ang mga ito ng “_____.” (tal.7)

Ang Pagkamasunurin Ang Susi Sa Kaligayahan

Hindi man maaaring nakita ng ina ni Jesus na gumawa ng himala ang kanyang anak, alam niya na may gagawin ito upang tumulong. Ngayon, alam natin na ang uri ng alak na ginamit sa kasalang iyon ay hindi ang uri ng alak na makapagpapalasing sa mga tao.

Naranasan mo na bang maubusan o mawalan ng isang bagay? Nauubusan ka ba ng pasensiya bago matapos ang isang araw? Nakikita ni Jesus ang iyong pangangailangan, ano man iyon. Gusto Niyang pagpalain ang iyong buhay ng isang himala! Ayaw niyang mapahiya ka sa iyong buhay Cristiano dahil wala kang sapat na kaligayahan at kapayapaan at pag-ibig na tatagal sa buong araw. Ipinangako niya, **“At ang sumasampalataya sa Kaniya’y hindi mapapahiya”** (Roma 9:33b).



Nguni't kailangan mong malaman ang isang sikreto! Ang pagsunod ang susi sa pagpapala. **“Ano man ang sabihin Niya sa iyo, sundin mo.”** Sa ating pagsunod, kaya ni Jesus na gumawa ng isang himala. Ang pagsunod ay nagpapakita na tunay ngang nagtitiwala tayo sa Kanya.

Kung ang isang tao ay gumawa ng masama sa iyo, pinatawad mo ba ang taong iyon (Mateo 6:14, 15)? Nag-iimpok ka ba ng kayamanan sa langit (Mateo 6:20)? Alam ni Jesus ang iyong pangangailangan. Pagtiwalaan mo Siya sa pamamagitan ng iyong pagsunod sa Kanya.

“Mangapuspos Kayo ng Espiritu,” sabi ng Panginoon sa iyo ngayon (Efeso 5:18). Walang Cristiano na makaaasa na makapamuhay ng isang maligayang buhay kung hindi niya papayagan ang Panginoon na puspusin siya ng Kanyang Espiritu sa bawat araw.

Marahil wala ka pang personal na kaugnayan kay Cristo. Ikaw ay maaari ding sumunod sa utos ng Panginoong Jesus. Lumapit ka sa Kanya at tanggapin mo ang Panginoon sa iyong buhay. Sinabi niya, **“Ako’y naparito upang sila’y mag-**

karoon ng buhay, at magkaroon ng kasaganaan nito” (Juan 10:10b).

Ang mga alipin ay ganap na sumunod. Hindi nila nilagyan ng tubig ang mga banga ng kalahati o halos mapuno-puno. Pinuno nila ang mga iyon hanggang labi. Ang pagsunod sa Panginoon ng iyong buong puso ay nakapagdudulot ng kaligayahan at pagpapala. **“Anomang inyong ginagawa, ay inyong gawin ng boong puso, na gaya ng sa Panginoon, at hindi sa mga tao; Yamang inyong nalalaman na sa Panginoon ay tatanggapin ninyo ang ganting mana; sapagka’t naglilingkod kayo sa Panginoong Jesucristo”** (Colosas 3: 23, 24).

Nang makita ng mga alagad ang himala, tumatag ang kanilang pananampalataya—“naniniwala sila sa Kanya.” Kung sundin mo ang Salita ng Panginoon at makita mong gumawa ang Panginoon, lalago din ang iyong pananampalataya. Piliin nating lumakad sa pamamagitan ng pananampalataya sa bawat araw. **“Gaya ng nasusulat, Nguni’t ang ganap ay mabubuhay sa pamamagitan ng pananampalataya”** (Roma 1:17b).

SALAYSAY BILANG 5. NILINIS NI JESUS ANG TEMPLO



Juan 2:13-22

13... Umahon si Jesus sa Jerusalem. 14At nasumpungan niya sa templo yaong nangagbibili ng mga baka at mga tupa

at mga kalapati, at ang mga mamamalit ng salapi na nangkaupo: 15At ginawa niyang i-sang panghampas ang mga lubid, itinaboy Niyang lahat sa templo, ang mga tupa at gayon din ang mga baka; at ibinubo Niya ang salapi ng mga mamamalit, at ginulo ang kanilang mga dulang; 16At sa nangagbibili ng mga kalapati ay sinabi Niya, Alisin ninyo rito ang mga bagay na ito; huwag ninyong gawin ang bahay ng aking Ama na bahay-kalakal....

¹⁸Ang mga Judio nga'y nagsisagot at sa kaniya'y sinabi, Anong tanda ang maipakikita mo sa amin, yamang ginawa mo ang mga bagay na ito? ¹⁹Sumagot si Jesus at sa Kani-la'y sinabi, Igiba ninyo ang templong ito, at aking itatayo sa tatlong araw. ²⁰Sinabi nga ng mga Judio, Apat na pu't anim na taon ang pagtatayo

ng templong ito, at itatayo sa tatlong araw? ²¹Datapuwa't sinasalita niya ang tungkol sa templo ng Kaniyang katawan. ²²Nang magbangon na maguli nga Siya sa mga patay, ay naa-laala ng Kaniyang mga alagad na sinalita Niya ito; at nagsisampalataya sila sa kasulatan, at sa salitang sinabi ni Jesus.

Ang Alam Ni Jesus

Pumunta si Jesus sa Jerusalem upang ipagdiwang ang "paskwa." Siya ay nabigla sa kanyang nakita sa templo! Hindi ito mukhang lugar ng mga taong pumupuri sa Panginoon o lugar para maging karapatdapat sa Panginoon kundi mistulang isang magulong palengke! Ang presensiya ng Panginoon ay napakalayo. Galit na galit si Jesus.

Tunay na kailangan ng mga taong bumili ng mga hayop upang gamitin na handog sa Panginoon. Ngunit ang mga mangangalakal ay dinadaya ang mga mamimili sa pamamagitan ng pagtataas ng halaga. At sila'y nagtitinda ng mga hayop sa loob mismo ng templo. Ito ay nasusulat sa Marcos 11:17b na Kanyang sinabi, **"Hi ndi бага nasusulat, Ang aking bahay ay tatawaging bahay panalanginan ng lahat ng mga bansa? datapuwa't ginawa ninyong yungib ng mga tulisan."**

Alam ni Jesus na ang mga punong Judio na ito ang magpapakong sa Kanya sa krus. Alam din Niya na tatlong araw matapos Siyang maipako sa Krus ay mabubuhay Siya mula sa mga patay.

Ang Katawan Ni Jesus Ang Templo Ng Dios

Noong unang mga taon, ang magandang templong itinayo ni Solomon ay "napuspos ng kaluwalhatian ng Panginoon." Ngunit dahil ang bayan ng Israel ay sumamba sa mag diosdiosan, napalayo ang kaluwalhatian ng Panginoon sa templo,

at ito'y nasira. Ng mga huling araw, ang templo ay muling itinatayo ng mga taong gustong magbalik-loob sa Panginoon. Sinabi ng Panginoon ng panahong iyon, "...at darating ang mga bagay na nais ng lahat na bansa; at aking pupunuin ang bahay na, ito ng kaluwalhatian, sabi ng Panginoon ng mga hukbo" (Hagai 2: 7). Narito si Jesus, inaangkin ang Kanyang sariling katawan ang Siyang templo ng Dios. "Sapagka't sa Kaniya'y nananahan ang boong kapuspusan ng pagka Dios sa kahayagan ayon sa laman" (Colosas 2:9). "...Yaong nahayag sa laman..." (I Timoteo 3:16). "Na hindi napagkilala ng sinomang pinuno sa sanglibutang ito: sapagka't kung nakilala sana nila, ay dising di ipina-ko sa krus ang Panginoon ng kaluwalhatian" (I Corinto 2:8). Ang mga punong Judio ay hindi nalamang ang Dakilang Panginoon ay kasama nila, nasa katauhan ni Jesus, at may karapatang linisin ang Kanyang templo.

Nasaan Ngayon Ang Templo Ng Dios?



"Hindi бага ninyo nalalaman na kayo'y templo ng Dios, at ang Espiritu ng Dios ay nananahan sa inyo" (I Corinto 3:16)? Si Jesus ay naninirahan sa bawa't taong tunay na tinanggap Siya sa kanilang mga puso sa pamamagitan ng Banal na Espiritu! Ang ating mga katawan ang Kanyang templo. Nakapagtataakang kaisipan! "O hindi бага ninyo nalalaman na ang inyong katawan ay templo ng Espiritu Santo na nasa inyo, na tinanggap ninyo sa Dios? at hindi kayo sa

inyong sarili; Sapagka't kayoy binili sa halaga: luwalhatiin nga ninyo ng inyong katawan ang Dios" (I Corinto 6:19, 20).

Napakahalagang mamuhay tayo ng buhay na banal! Hindi tayo dapat gumawa ng kasalanan sa ating mga katawan, dahil kung tinanggap na natin si Jesus sa ating mga buhay, tayo ay napabilang sa Kanya at kailangang maging tapat sa Kanya. Nasa Panginoon ang lahat ng karapatang linisin ang Kanyang templo. Nasa Kanya ang lahat ng karapatang linisin ang lahat sa ating mga buhay na hindi nakalulugod sa Kanya. Lagi tayong palinis sa Kanya. Nililinis Niya tayo sa pama-magitan ng Kanyang Salita.

"Sa paano lilinisin ng isang binata ang kaniyang daan? Sa pagdinig doon ayon sa iyong salita" (Mga Awit 119:9).

"Kung ipinahahayag natin ang ating mga kasalanan, ay tapat at banal Siya na tayo'y patatawarin sa ating mga kasalanan, at tayo'y lilinisin sa lahat ng kalikuan" (I Juan 1:9).

"Nguni't kung tayo'y nagsisilakad sa liwanag, na gaya Niyang nasa liwanag, ay may pakikisama tayo sa isa't isa, at nililinis tayo ng dugo ni Jesus na Kaniyang Anak sa lahat ng kasalanan" (I Juan 1:7).

Hindi lamang Niya ginagawa ang bawa't Cristiano na kanyang templo, kundi lahat ng mga Cristiano ay tinatawag na "katawan ni Cristo." **"Ay gayon din tayo, na marami, ay iisang katawan kay Cristo, at mga sangkap na samasama sa isa't isa"** (Roma 12:5). **"At Siya ang ulo ng katawan, sa makatuwid baga'y ng iglesia"** (Colosas 1:18a).

Napakahalaga ang isang tao na kung saan ang Dios ay nananahan! Kailangang maging tiyak tayo sa pakikitungo sa ibang mga Cristiano ng may kaamuan at pag-ibig. Gayon din naman sa gayong paraan, ating pinakikitunguhan si Jesus. Tiyakin nating ang ating katawang-templo ay lugar ng pana-langin, kung saan maaari nating kausapin ang Dios at nararam-daman ang Presensiya ng Dios. Huwag nating pabayaang ito'y maging "lugar ng mga magnanakaw" na kung saan ang lahat ng pag-aalala at kasiyahan sa buhay na ito ay magbi-gay kadiliman sa kaluwalhatian ng Panginoon.

SALAYSAY BILANG 6. ISINALAYSAY NI JESUS SA ISANG PINUNO KUNG PAANO IPANGANAK NA MULI



Juan 3:1-7, 14-21, 36

¹May isang lalake nga sa mga Fariseo, na nagngangalang Nicodemo, isang pinuno ng mga Judio: ²Ito rin ay naparoon sa Kaniya nang gabi, at sa kaniya'y nagsabi, Rabi, nalalaman naming ikaw ay isang guro na nagbuhat sa Dios; sapagka't walang makagagawa ng mga tanda na iyong ginagawa, maliban na kung sumasa kaniya ang Dios. ³Sumagot si Jesus at sa kaniya'y sinabi, Katotohanan, katotohanang sinasabi ko sa iyo, Maliban na ang tao'y ipanganak na muli, ay hindi siya makakakita ng kaharian

ng Dios. ⁴Sinabi sa Kaniya ni Nicodemo, Paanong maipanganak ang tao kung siya'y matanda na? makapapasok baga siyang bilang ikalawa sa tiyan ng kaniyang ina, at ipanganak? ⁵Sumagot si Jesus, Katotohanan, katotohanang sinasabi ko sa iyo, Maliban na ang tao'y ipanganak ng tubig at ng Espiritu, ay hindi siya makapapasok sa kaharian ng Dios. ⁶Ang ipinanganak ng lamán ay lamán nga; at ang ipinanganak ng Espiritu ay espiritu nga. ⁷Huwag kang magtaka sa aking sinabi sa iyo, Kinakailangan nang kayo'y ipanganak na muli.

¹⁴At kung paanong itinaas ni Moisés sa ilang ang ahas, ay gayon kinakailangang itaas ang Anak ng tao; ¹⁵Upang ang sinomang sumampalataya ay magkaroon sa Kaniya ng buhay na walang hanggan.

¹⁶Sapagka't gayon na lamang ang pagsinta ng Dios sa sanglibutan, na ibinigay Niya ang Kaniyang bugtong na Anak, upang ang sinomang sa Kaniya'y sumampalataya ay huwag mapahamak, kundi magkaroon ng buhay na walang hanggan.

¹⁷Sapagka't hindi sinugo ng Dios ang Anak sa sanglibutan upang hatulan ang sanglibutan; kundi upang ang sanglibutan ay maligtas sa pamamagitan Niya. ¹⁸Ang sumasampalataya sa Kaniya ay hindi hinahatulan; ang hindi sumasampalataya ay hinatulan na, sapagka't hindi siya sumampalataya sa pangalan ng bugtong na Anak ng Dios. ¹⁹At ito ang kahatulan, na naparito ang ilaw sa sanglibutan, at inibig pa ng mga tao ang kadi-liman kay sa ilaw; sapagka't masasama ang kanilang mga

gawa. ²⁰Sapagka't ang bawa't isa na gumagawa ng masama ay napopoot sa ilaw, at hindi lumalapit sa ilaw, upang huwag masaway ang kaniyang mga gawa. ²¹Datapuwa't ang gumagawa ng katotohanan ay lumalapit sa ilaw, upang mahayag na ang kaniyang mga gawa ay ginawa sa Dios. ³⁶Ang sumasampalataya sa Anak ay may buhay na walang hanggan; nguni't ang hindi tumatalima sa Anak ay hindi makakakita ng buhay, kundi ang poot ng Dios ay sumasa kaniya.

Gawin Mo

A. Punan ang bawat puwang ng wastong sagot mula sa salaysay.

1. Nalalaman ni Nicodemo na si Jesus ay isang _____ na nanggaling sa Dios (tal. 2).

2. Sinabi ni Jesus na maliban na ang tao' _____ na _____ ay hindi siya makakakita ng Kaharian ng Dios (tal. 3).

3. Ang tao'y hindi makakapasok sa Kaharian ng Dios malibang siya'y ipanganak ng _____ at ng _____ (tal. 5).

[Sa salaysay 2 ating nakita na si Juan Bautista ay nagbautismo sa tubig habang ang mga tao'y nagpahayag ng kanilang mga kasalanan at tumalikod sa kanilang mga kasalanan (Pagsisisi). Si Jesus ay naparito upang magbautismo sa Espiritu at bigyan ang mga tao ng bagong buhay. Sa pagpasok sa Kaharian ng Dios, kinakailangan nating talikuran ang ating mga kasalanan at tanggapin ang buhay ng Espiritu ng Dios sa ating mga puso.]

4. Ang ipinanganak sa laman ay _____ nga (tal. 6).

5. Ang ipinanganak sa Espiritu ay _____ nga (tal. 6).

[Nang ang ating mga katawan ay ipinanganak ng ating mga magulang, tayo rin ay nagkaroon ng katawang panlupa. Nang ang ating mga espiritu ay ipinanganak ng Dios, tayo rin ay nagkaroon ng espiritung buhay na nakakaunawa ng mga espirtual na mga bagay ng Dios (I Corinto 2:12, 14).]

6. Ang Anak ng tao (Jesus) ay kinakailangang maitaas (mai-pako sa krus) katulad ng _____ na itinaas ni _____ sa ilang (tal. 14).

7. Ang dahilan kung bakit si Jesus ay naparito ay sapagkat _____ ng Dios ang sanlibutan. Ang sino mang sumampalataya kay Jesus ay hindi na _____, kundi magkaroon ng _____ na walang hanggan (tal. 16).

8. Hindi isinugo ng Dios ang Kanyang Anak sa sanlibutan upang ito'y _____ (bagama't darating ang itinakdang araw na hahatulan Niya ang sanlibutan); isinugo Niya ang Kanyang Anak upang _____ ang sanlibutan (17).

9. Ang isang taong sumasampalataya kay Jesus ay hindi na _____. Ang tao ay nahatulan na kung siya'y hindi _____ kay Jesus (tal. 18).

10. Ang ilaw ay naparito sa sanlibutan, at ang mga tao ay inibig ang _____ kaysa sa _____ sapagkat ang kanilang mga gawa ay _____. Ito ay tinatawag ni Jesus na _____ (tal. 19). [Ang kahatulan ay nangangahulugan ng walang hanggang hatol at pagkahiwalay sa Dios.]

11. Datapwat ang gumagawa ng _____ ay lumalapit sa ilaw (21).

[Hindi ang taong gumagawa ng mabuti ang lumalapit sa ilaw. **“Walang gumagawa ng mabuti, wala, wala kahit isa”** (Roma 3:12b). Ang taong gumagawa ng katotohanan ay ang taong nagpapahayag ng katotohanan ng kanyang kasalanan at tumatanggap ng kapatawaran ng Dios. **“Kung ipinahahayag natin ang ating mga kasalanan, ay tapat at banal Siya na tayo’y patatawarin sa ating mga kasalanan, at tayo’y lilinis sa lahat ng kalikuan”** (I Juan 1:9).]

B. Sauluhin ang mga talatang Juan 3:16 at Juan 3:36.

Ano Ang Kahulugan Ng Ipanganak Na Muli?

Ang ipanganak na muli ay nangangahulugan na ipanganak na muli “buhay sa itaas at pasimula ng isang bagong buhay.” Ang natural na pagkapanganak ay ginagawang miyembro ng makataong pamilya ang isang tao. Ang espirtual na pagkapanganak ay nangangahulugan na ang isang tao ay nagiging isa sa mga miyembro ng pamilya ng Dios. Ang Banal na Espiritu ay gumagawa sa atin at nagkakaroon ng mga pagbabago sa ating mga buhay. Halimbawa, ang isang taong nagnanakaw dati ay hindi na magnanakaw ngayon.

Ang isang tao na kung saan ang kanyang Espiritu ay hindi pa ipinapanganak ng Dios ay “patay” sa aspetong espirtual (Efeso 2:1, 5). Noon, binibigyan tayo ng Espiritu ng isang bagong buhay—ang buhay ng pagkabuhay na muli ni Cristo. Kapwa mahalaga ang mga ito upang tayo ay makapasok sa Kaharian ng Dios. Ang pagkabuhay na mag-uli ay nagsisimula kung ang Banal na Espiritu (ang Espiritu ni Jesus mismo) ay tunay na nakapasok at naninirahan sa ating mga katawan. **“Kung ang sinoma’y walang Espiritu ni Cristo, siya’y hindi sa Kaniya”** (Roma 8:9b). Minana natin ang kalikasan ni Cristo (II Pedro 1:4): bagong pag-uugali, bagong kapangyarihan ng ating kalooban at pagnanais, bagong kaisipan upang maunawaan ang Salita ng Panginoon.

“Kaya’t kung ang sinoman ay na kay Cristo, siya’y bagong nilalang: ang mga dating bagay ay nagsilipas na; narito, sila’y pawang naging mga bago” (II Corinto 5:17).

Kung hindi ka pa ipinanganak na muli, bakit hindi ka lumapit sa Panginoong Jesus ngayon, katulad ng ginawa ni Nicodemo? **“Ang kinaroroonan ng Anak ay kinaroroonan ng buhay; ang hindi kinaroroonan ng Anak ng Dios ay hindi kinaroroonan ng buhay”** (I Juan 5:12).

Si Moises Sa Ilang

Noong ang mga Israelita ay nabubuhay sa ilang sa pangu-
nguna ni Moises, sila ay nagreklamo at nagsalita ng masasamang bagay laban sa Dios at kay Moises. Kaya nagpadala



ang Dios ng mga ahas sa mga Israelita upang pagkakagatin sila. Marami ang nangamatay. Lumapit ang mga tao kay Moises at ipinagtapat nila ang kanilang kasalanan. Nagmakawa sila kay Moises na ipanalangin alisin ng Dios ang mga ahas. Sinagot ng Panginoon ang kanilang panalangin sa ibang kaparaanan. Sinabi Niya kay Moises na gumawa ng ahas na yari sa tanso at ilagay sa isang poste. Sinuman

ang tumingin dito, kahit na siya ay nakagat ng ahas na nakakamatay, siya ay mabubuhay. (Ang salaysay na ito ay matatagpuan sa Bilang 21:4-9.)

Ang kasalanan ay tulad ng kagat ng isang makamandag na ahas. Tayo ay mamamatay kung hindi tayo titingin kay Cristo. Marami ang nasawi sa ilang. Iyon lamang tumingin ang gumaling. Binalaan ni Jesus si Nicodemo na siya din ay mamamatay kung hindi siya titingin kay Jesus upang tumanggap ng bagong buhay.

Kung ang nga tao ay tumingin sa ahas na “patay” at nabuhay, kailangan din nilang tumingin sa Kanya na nag-aalis ng mga kasalanan ng mundo sa sarili niya, na ipinako sa krus. Tumingin at mabuhay! Hindi nila kailangang itanong kung “paano” ito nakapagpagaling sa kanila sa pamamagitan pagtingin sa ahas na tanso. Ang kailangan lamang nila ay sumunod ayon sa pananampalataya. At mangyayari ito.

Paglapit Sa Liwanag

Kung tayo'y lalapit kay Cristo, ang ating kasalanan ay mahahayag dahil si Jesus ang tunay na liwanag (Juan 1:9). Itinatago ng kadiliman ang katotohanan, ngunit ang liwanag ang nagpapakita ng mga tunay na nangyayari.

Ang taong pinili na huwag lumapit sa liwanag ng Panginoon ay piniling itago ang kanyang mga kasalanan at ayaw bayaan ang Panginoon na baguhin siya. Ang makasalantang tao ay patungo sa impiyerno. Kailangan niya si Cristo upang maligtas. Silang hindi nagpapasakop kay Jesus ay nasa ilalim ng galit ng Panginoon (talata 36), ngunit siya na tumanggap kay Jesus ay magkakaroon ng buhay na walang hanggan na kanyang mararanasan sa langit—ang buhay na mula sa Dios. **Kung sinasabi nating tayo’y may pakikisama sa Kaniya at nagsisilakad tayo sa kadiliman, ay nangagbubulaan tayo, at hindi tayo nagsisigawa ng katotohanan: Nguni’t kung tayo’y nagsisilakad sa liwanag, na gaya Niyang nasa liwanag, ay may pakikisama tayo sa isa’t isa, at nililinis tayo ng dugo ni Jesus na kaniyang Anak sa lahat ng kasalanan** (I Juan 1:6, 7).

Kung nais ng isang taong maging banal, handa siyang ipahayag ang kanyang mga kasalanan at mapatawad ang mga ito. Kung gayon, ang paglapit kay Cristo ay isang bagay na maaaring mangahulugan ng buhay o kamatayan. Ang iyong patutunuhan ay nakadepende sa kung paano mo kilala si Cristo, ang tunay na liwanag. Lalapit ka ba, o magtatago dito?



**Tinanggap ko ang buhay
na walang Hanggan sa
pamamagitan ni Jesus!**

pangalan

petsa

SALAYSAY BILANG 7. SI JESUS AY NAGKAKA- LOOB NG TUBIG NG BUHAY



Juan 4:5-42

5Sumapit nga Siya sa isang bayan ng Samaria, na tinatawag na Sicar, malapit sa bahagi ng lupang ibinigay ni Jacob kay José na kaniyang anak: **6**At naroon ang balon ni Jacob. Si Jesus nga, nang napapagod na sa Kaniyang paglalakbay.... Magiikaanim na nga ang oras. **7**Dumating ang isang babaing taga Samaria upang umigib ng tubig: sa kaniya'y sinabi ni Jesus, Painumin mo ako.... **9**Sinabi nga sa kaniya ng babaing Samaritana, Paano ngang ikaw, na isang Judio, ay humingi ng maiinom sa akin, na ako'y babaing Samaritana? (Sapagka't hindi nangakikipagusap ang mga Judio sa mga Samaritano.) **10**Sumagot si Jesus at sa kaniya'y sinabi, Kung napagkikilala

mo ang kaloob ng Dios, at kung sino ang sa iyo'y nagsasabi, Painumin mo ako; ikaw ay hihingi sa Kaniya, at ikaw ay bibigyan Niya ng tubig na buháy. **11**Sinabi sa kaniya ng babae, Ginoo, wala kang sukat isalok ng tubig, at malalim ang balon: saan nga naroon ang iyong tubig na buháy? ... **13**Sumagot si Jesus at sinabi sa kaniya, Ang bawa't uminom ng tubig na ito ay muling mauuhaw: **14**Datapuwa't ang sinomang uminom ng tubig na sa kaniya'y aking ibinigay ay hindi mauuhaw magpakailan man; nguni't ang tubig na sa kaniya'y aking ibinigay ay magiging isang balon ng tubig na bubukal sa kabuhayang walang hanggan.

15Sinabi sa kaniya ng babae, Ginoo, ibigay mo sa akin ang tubig na ito, upang ako'y huwag mauhaw, ni pumarito man sa ganito kalayo upang umigib pa. **16**Sinabi sa kaniya ni Jesus, Humayo ka, tawagin mo ang iyong asawa, at pumarito ka. **17**Sumagot ang babae at sinabi sa kaniya, Wala akong asawa. Sinabi sa kaniya ni Jesus, Mabuti ang pagkasabi mo, Wala

akong asawa: ¹⁸Sapagka't nagkaroon ka na ng limang asawa; at ang nasa iyo ngayon ay hindi mo asawa: dito'y sinabi mo ang katotohanan. ¹⁹Sinabi sa kaniya ng babae, Ginoo, napaghahalata kong ikaw ay isang propeta. ²⁰Nagsisamba ang aming mga magulang sa bundok na ito; at sinasabi ninyo, na sa Jerusalem ay siyang dakong kinakailangang pagsambahan ng mga tao. ²¹Sa kaniya'y sinabi ni Jesus, Babae, paniwalaan mo ako, na dumarating ang oras, na kahit sa bundok na ito, ni sa Jerusalem, ay hindi ninyo sasambahin ang Ama. ²²Sinasamba ninyo ang hindi ninyo nalalaman: sinasamba namin ang nalalaman namin; sapagka't ang kaligtasan ay nanggagaling sa mga Judio. ²³Datapuwa't dumarating ang oras, at ngayon nga, na sasambahin ng mga tunay na mananamba ang Ama sa espiritu at katotohanan: sapagka't hinahanap ng Ama ang mga gayon na maging mananamba sa Kaniya. ²⁴Ang Dios ay Espiritu: at ang mga sa Kaniya'y nagsisisamba ay kinakailangang magsisamba sa espiritu at sa katotohanan. ²⁵Sinabi sa kaniya ng babae, Nalalaman ko na paririto ang Mesias (ang

tinatawag na Cristo): na pagparito Niya, ay ipahahayag Niya sa amin ang lahat ng mga bagay. ²⁶Sinabi sa kaniya ni Jesus, Ako na nagsasalita sa iyo ay siya nga. . . . ²⁸Sa gayo'y iniwan ng babae ang kaniyang banga ng tubig, at napasa bayan, at sinabi sa mga tao, ²⁹Magsiparito kayo, tingnan ninyo ang isang lalake, na nagsabi sa akin ng lahat ng mga bagay na aking ginawa: mangyayari kayang ito ang Cristo? ³⁰Nagsilabas sila sa bayan, at nagsisiparoon sa kaniya. ³¹Samantala ay ipinamamanhik sa kaniya ng mga alagad, na nangagsasabi, Rabi, kumain ka. ³²Datapuwa't sinabi niya sa kanila, Ako'y may pagkaing kakanin na hindi ninyo nalalaman. . . . ³⁴Sinabi sa kanila ni Jesus, Ang pagkain ko ay ang aking gawin ang kalooban ng sa akin ay nagsu-



go, at tapusin ang kaniyang gawa. ³⁵Hindi бага sinasabi ninyo, May apat na buwan pa, at saka darating ang pagaani? narito, sa inyo'y aking sinasabi, Itanaw ninyo ang inyong mga mata, at inyong tingnan ang mga bukid, na mapuputi na upang anihin. ³⁶Ang umaani ay tumatanggap ng upa, at nagtiti-pon ng bunga sa buhay na walang hanggan; upang ang naghahasik at ang umaani ay mangagalak kapuwa....

³⁹At marami sa mga Samari-

tano sa bayang yaon ang sa kaniya'y nagsisampalataya dahil sa salita ng babae, na nagpatotoo. Sinabi niya sa akin ang lahat ng mga bagay na aking ginawa.... ⁴¹At lalo pang marami ang mga nagsisampalataya sa kaniya dahil sa kaniyang salita; ⁴²At sinabi nila sa babae, Ngayo'y nagsisisampalataya kami, hindi dahil sa iyong pananalita: sapagka't kami rin ang nakarinig, at nalalaman naming ito nga ang Tagapagligtas ng sanglibutan.

Gawin Mo

A. Sagutin ang mga tanong batay sa salaysay.

1. Anong damdamin mayroon si Jesus na nagpapahiwatig na Siya ay isa ring tunay na tao? (tal. 6) _____

2. Ano ang sinabi ni Jesus sa babaing taga-Samaria? (7) _____

3. Bakit siya nagulat nang kausapin siya ni Jesus? (9) _____

[Ang mga Samaritano ay mga lahi ng mga Judio at mga taga-ibang bayan na nagsipag-asawa ng mga Judio. Hindi lamang ang Dios ng Israel ang kanilang sinasamba kundi mga ibang dios-diosan na rin.] Interesado si Jesus sa indibiduwal na tao, kahit na bawal kausapin ng lalaki ang isang babae sa pampublikong lugar.

4. Ano sana ang ipagkakaloob ni Jesus sa babae kung alam niya kung papaano humingi? (10) _____

5. Ano ang pagkakaiba ng pag-inom ng tubig sa balon at ng pag-inom ng tubig na ibinibigay ni Jesus? (13, 14) _____

6. Ano ang nalalaman ni Jesus tungkol sa babaing ito? (18)

[Alam ni Jesus ang mga natatagong kasalanan ng bawat isa.]

7. Nang sabihin ni Jesus ang kanyang kasalanan, anong paksa ang binuksan ng babae? (20) Tinalakay niya ang tungkol sa lugar na kung saan ang mga tao ay dapat _____.

[Nais mo bang talakayin ang “relihiyon” na sa halip ay mapalapit sa Dios?]

8. Papaano sumamba ang mga tunay na sumasamba sa Dios Ama? (23) _____

[Para tunay na masamba ang Dios, tayo’y kinakailangang mai-panganak ng Espiritu.]

9. Nang makilala ng babae kung sinong talaga si Jesus, ano ang kanyang ginawa? (28, 29) _____

10. Ano ang nakapag-bigay kasiyahan kay Jesus katulad ng pagkain? (34) _____

11. Sino si Jesus para sa mga Samaritano? (42) _____

B. Sauluhin ang talatang: **Juan 4:24.**

Paano Lumalago Ang Pananampalataya?

Nakakaakit na malaman kung paanong ang Samaritana ay lumapit upang malaman at tanggapin ang maraming mga bagay patungkol kay Jesus habang siya ay nakikipag-usap sa kanya? Maraming alam si Jesus tungkol sa kanya, iniisip na niya ngayong si Jesus ay isang propeta. Ngayon, siya ay naniniwalang si Jesus ang Cristo, ang ipinangakong Tagapagligtas. **“Kaya nga ang paniniwala’y nanggagaling sa pakikinig, at ang pakikinig ay sa pamamagitan ng salita ni Cristo”** (Roma 10:17).

Ano Ang Tubig Ng Buhay?

Inisip ng Samaritana na higit na mabuti kung hindi na niya kakailanganing ibaba pa ang kanyang pang-igib sa balon ni Jacob. Ang tubig ay may lalim na 90 pulgada. Ngunit hindi tinutukoy ni Jesus ang tubig na pisikal. Tinutukoy niya ang kasiyahan na maibibigay niya sa babae upang matigil na ang patuloy na pagkauhaw ng hungkag na espiritu ng babae sa makasalanang kasiyahan. Ang tubig ng buhay na tinutukoy Niya ay tungkol sa kaloob na buhay na walang hanggan—ang Kanyang sariling buhay. Ang bukal na dumadaloy ay ang naguumapaw na kaligayahan at kapayapaan na maaari nating maranasan kung tayo ay mapupuspos ng kanyang Banal na Espiritu!

Ano Ang Itinuturo Ng Salaysay Na Ito Tungkol Sa Paglilingkod Sa Dios?

1. Ang bawat tao ay kailangang marinig ang Salita ng Dios at maniwala kay Cristo upang maligtas. Hindi natin sila dapat pakitunguhan bilang mga taong walany kabuluhan.

2. Ang bukid na “espiritual” ng mundo ay hinog na at handa ng anihin. Kailangang tumingin tayo sa ating kapaligiran at hanapin ang mga taong nagugutom sa katotohanan at handang tanggapin ito.

3. Ang isang tao ay maaaring maghasik (sabihin sa iba ang mga bagay-bagay tungkol kay Jesus). Ang isa naman ay maaaring mag-ani (ipakilala si Jesus sa iba). Kapwa maliligayahan ang naghasik at ang nag-ani.

4. Ang pagsunod sa kalooban ng Panginoon sa bawat araw ay makapagbibigay sa atin ng kalugurang higit pa sa maidudulot ng pagkain.

5. Kahit na mahalagang sabihin natin sa ating mga kaibigan ang tungkol kay Jesus, kailangan ding maakay sila sa Kanya upang makilala nila si Jesus.

SALAYSAY BILANG 8. PINAGALING NI JESUS ANG ANAK NG ISANG KILALANG TAO



Juan 4:46-53

⁴⁶...At naroroon ang isang mahal na tao, na ang kaniyang anak na lalake ay may-sakit sa Capernaum. ⁴⁷Nang mabalitan niya na si Jesus ay dumating sa Galilea na mula sa Judea, ay naparoon siya sa Kaniya, at ipinamanhik sa Kaniya na siya'y lumusong, at pagalingin ang kaniyang anak na lalake; sapagka't siya'y naghihingalo....⁴⁹Ang mahal na tao

ay nagsabi sa kaniya, Ginoo, lumusong ka bago mamatay ang aking anak. ⁵⁰Sinabi sa kaniya ni Jesus, Yumaon ka ng iyong lakad; buháy ang anak mo. Pinaniwalaan ng lalake ang salitang sinalita sa kaniya ni Jesus, at siya'y yumaon sa kaniyang lakad. ⁵¹At samantalang siya'y lumulusong, ay sinalubong siya ng kaniyang mga alipin, na nangagsasabi, na ang kaniyang anak ay buháy. ⁵²Itinanong nga niya sa kanila ang oras nang siya'y pasimulan ng paggaling. Sa kaniya nga'y kanilang sinabi, Kahapon nang ikapitong oras inibsan siya ng lagnat. ⁵³Naunawa nga ng ama na sa oras na yaon nang sabihin sa kaniya ni Jesus, Buháy ang anak mo: at siya'y sumampalataya, at ang kaniyang boong sangbahayan.

Ang Kapangyarihan Ng Salita Ng Dios

Kapag ang Dios ay nagsalita ng isang bagay, ito'y nangyayari! Ang wika ni Jesus, ang lahat ng pangako sa Biblia ay matutupad (Mateo 5:18). Naniniwala ka ba sa Salita ng Dios? Ikaw ba'y kumikilos o lumalakad ayon sa pananalig mong ito?

Sa Marcos 11:22b, 23, sinabi ni Jesus sa kanyang mga alagad, **"Magkaroon kayo ng pananampalataya sa Dios. Katoohanang sinasabi ko sa inyo, Ang sinomang magsabi sa**

budok na ito, Mapataas ka at mapasugba ka sa dagat; at hindi magalinlangan sa kaniyang puso, kundi manampalataya na mangyayari ang sinabi niya; ay kakamtin niya yaon.”

Ano Ang Itinuturo Nito Sa Atin Patungkol Sa Panalangin?

“Sinagot ba in Jesus ang ating mga kahilingan gayon?” Ang Hebreo 13:8b ay nagsasabi sa atin na si Jesucristo ay **“Siya ring kahapon at ngayon, oo at magpakailan man.”** Nalalaman nating kinakailangan nating lumapit sa Kanya kasama ng ating mga kahilingan. Sinasabi rin Niya sa atin na, **“Magsihingi kayo, at kayo’y bibigyan”** (Mateo 7:7a).

Ang kasunod nito ay ang paglapit na may pananalig na Siya’y tutugon. **“At kung walang pananampalataya ay hindi maaaring maging kalugodlugod sa Kaniya; sapagka’t ang lumalapit sa Dios ay dapat sumampalatayang may Dios, at Siya ang tagapagbigay ganti sa mga sa kaniya’y nagsisihanap”** (Hebreo 11:6).

Kailangan tayong magkaroon ng kasiyahan sa katugunan ni Jesus. Hiniling ng kilalang tao kay Jesus na dumako sa Kanyang tahanan, subali’t hindi iyon ang ginawa ni Jesus Sa halip, kanyang sinabi, “Yumaon ka ng iyong lakad, buhay ang anak mo.” Maaaring hindi ka Niya tutugunin sa paraang ninanais mo, subali’t lagi Niyang gagawin ang pinakamabuti sa iyo, at ito’y laging naayon sa kanyang Salita.

Ang pananampalataya ay hindi laging nagdudulot ng pagpapalaya (pag-aralan ang Hebreo 11:35-39), nguni’t ito’y laging nagbibigay ng tamang patutunguhan at kapayapaan. **“Huwag kayong mangabalisa sa anomang bagay; kundi sa lahat ng mga bagay sa pamamagitan ng panalangin at dahil na may pagpapasalamat ay ipakilala ninyo ang inyong mga kahilingan sa Dios”** (Filipos 4:6).

Kapag sumampalataya ka sa Dios, kikilos ang Dios ng may kapangyarihan, at ang iyong pananampalataya ay lalong tata-tag. Ang pananampalataya ng iyong sambahayan ay titibay ding katulad ng sambahayan ng kilalang tao na nanalig sa Dios.

SALAYSAY BILANG 9. PINAGALING NI JESUS ANG ISANG TAONG MAYSAKIT



Juan 5:2-9, 14-18

²Sa Jerusalem nga'y may isang tangke sa tabi ng pintuan ng mga tupa, na sa wikang Hebreo ay tinatawag na Betesda, na may limang portiko. ³Na sa mga ito ay nangaghandusay ang marami sa kanilang mga may-sakit, mga bulag, mga pilay, mga natutuyo.... ⁵At naroon ang isang lalake, na may tatlongpu't walong taon nang may-sakit. ⁶Nang makita ni Jesus na siya'y nakahandusay, at mapagkilalang siya'y malakon nang panahong may-sakit, ay sinabi niya sa kaniya, Ibig mo bagang gumaling? ⁷Sumagot sa kaniya ang lalaking may-sakit, Ginoo, wala pong taong maglusong sa akin sa tangke,

pagkalawkaw sa tubig:...⁸Si-nabi sa kaniya ni Jesus, Magtin-dig ka, buhatin mo ang iyong higaan, at lumakad ka. ⁹At pagdaka'y gumaling ang lalake, at binuhat ang kaniyang higaan at lumakad. Noon nga'y araw ng sabbath.... ¹⁴Pagkatapos ay nasumpungan siya ni Jesus sa templo, at sa kaniya'y sinabi, Narito, ikaw ay gumaling na: huwag ka nang magkasala, baka mangyari pa sa iyo ang lalong masama. ¹⁵Umalis ang tao, at sinaysay sa mga Judio na si Jesus ang sa kaniya'y nagpagaling. ¹⁶At dahil dito'y pinagusig ng mga Judio si Jesus, sapagka't ginagawa niya ang mga bagay na ito sa araw ng sabbath.

¹⁷Datapuwa't sinagot sila ni Jesus, Hanggang ngayo'y gumagawa ang aking Ama, at ako'y gumagawa. ¹⁸Dahil dito nga'y lalo nang pinagsikapan ng mga Judio na siya'y patayin, sapagka't hindi lamang sinira ang araw ng sabbath, kundi tinatawag din naman na kaniyang sariling Ama ang Dios, na siya'y nakikipantay sa Dios.

Gawin Mo

Punan ang mga puwang upang mabuo ang mga pangungusap.

1. May isang taong nághihintay sa tangke ng tubig ng Betesda. Siya'y may-sakit sa loob ng _____ taon (tal. 5).

2. Isang mahalagang tanong ang winika ni Jesus sa Kanya: "Ibig mo bang _____?" (6)

3. Inutusan siya ni Jesus na gawin ang tila imposibleng bagay. Ang sabi Niya, "_____, buhatin mo ang iyong higaan, at _____" (8).

4. At ng siya'y matagpuan ni Jesus sa templo, at sinabi Niya, "Narito, ikaw ay gumaling na: _____, baka mangyari pa sa iyo ang lalong masama" (14).

5. Ang mga Judio ay nagtatangkang patayin si Jesus sa dalawang kadahilanan: (a) sapagkat hindi lamang Niya _____ (18) [sa pamamagitan ng pagpagaling sa araw ng pamamahinga ng mga Judio], (b) kundi tinatawag din naman na kaniyang Ama ang Dios, na Siya'y _____ (18).

Nais Mo Bang Ikaw Ay Gumaling?

Marahil, kinakailangan mong gumaling at lumakas sa iyong katawan, isip, o damdamin. Maaaring mayroon kang masamang pag-uugali na nagiging hadlang sa iyong paglilingkod sa Dios.

Nakikita ni Jesus ang iyong pangangailangan at kanyang sinasabi sa iyo, "**Ibig mo bang gumaling?**" Marahil ay may mga dahilan ka kung kaya't hindi ka gumagaling. Ngunit hindi iyan problema kay Jesus. Magagawa Niyang ikaw ay gumaling agad! Subali't maaaring hihilingin Niya sa iyo na gawin ang isang bagay na tila mahirap mangyari, katulad ng kanyang iniutos sa taong may-sakit na tumayo, lumakad at buhatin ang kanyang higaan! Ano man ito, sa iyong pagsisimulang sundin ang Salita ng Dios, ibibigay ni Jesus sa iyo ang kapangyarihang kinakailangan mo at ikaw ay Kanyang pagagalingin! At gagabayan ka Niya sa buhay na mapagtagumpay.

SALAYSAY BILANG 10. ANG DALAWANG PAGKABUHAY NA MAG-ULI

Juan 5:24-29

²⁴Katotohanan, katotohanang sinasabi ko sa inyo, Ang dumarating ng aking salita, at sumampalataya sa kaniya na nagsugo sa akin, ay may buhay na walang hanggan, at hindi mapapasok sa paghatol, kundi lumipat na sa kabuhayan mula sa kamatayan. ²⁵Katotohanan, katotohanang sinasabi ko sa inyo, Dumarating ang panahon, at ngayon nga, na maririnig ng mga patay ang tinig ng Anak ng Dios; at ang mangakarinig ay mangabubuhay. ²⁶Sapagka't kung paanong ang Ama ay may

buhay sa kaniyang sarili, ay gayon din namang pinagkaloo-ban niya ang Anak na magkaroon ng buhay sa kaniyang sarili: ²⁷At binigyan niya siya ng kapamahalaang makahatol, sapagka't siya'y Anak ng tao. ²⁸Huwag ninyong ipanggilalas ito: sapagka't dumarating ang oras, na ang lahat ng nangasa libingan ay makaririnig ng Kaniyang tinig, ²⁹At magsisilabas; ang mga nagsigawa ng mabuti, ay sa pagkabuhay na maguli sa buhay; at ang mga nagsigawa ng masama, ay sa pagkabuhay na maguli sa paghatol.

Bagay Na Dapat Pag-Isipan

Nalalaman nating tayo ay hindi na hahatulan. Sapagkat si Jesus mismo ay ang buhay natin tayo nga ay lumipat na sa kamatayan tungo sa buhay na nasa Dios (talatang 26). Ang mga taong walang Cristo ay hindi nakakapagbigay lugod sa Dios (Roma 8:8); samakatuwid, kapag sila'y bubuhayin mula sa libingan, ang maaasahan lamang nila'y hatol at walang hanggang pagkahiwalay sa Dios.

Gawin Mo

Sauluhin ang Juan 5:24 bilang katiyakan upang 'di mo malimutan kung ano talaga ang ibig sabihin ng iyong kaligtasan. Kung mayroon mang namamagitan hadlang sa iyo at sa Dios, Siya mismo ang magpapakita nito sa iyo ng malinaw upang ito'y iyong maihayag at maitakwil. Ang Dios ay nagpapanumbalik ng magandang kaugnayan; si Satanas ay nagwawasak.

SALAYSAY BILANG 11. SI JESUS ANG TINAPAY NG BUHAY

Juan 6:5-13, 35, 47-51, 53-56, 63

⁵Itinanaw nga ni Jesus ang Kaniyang mga mata, at pagkakita na ang lubhang maraming tao'y lumalapit sa Kaniya, ay sinabi kay Felipe, Saan tayo mag-sisibili ng tinapay, upang mang-akakain ang mga ito? ⁶At ito'y sinabi niya upang siya'y subukin: sapagka't nalalaman niya sa kaniyang sarili kung ano ang kaniyang gagawin. ⁷Sumagot si Felipe sa kaniya, Hindi magkakasiya sa kanila ang dalawang daang denariong tinapay, upang makakain ng kaunti ang bawa't isa. ⁸Sinabi sa kaniya ng isa sa Kaniyang mga alagad, si Andres, na kapatid ni Simón Pedro, May isang batang lalake rito, na mayroong limang tinapay na sebada, at dalawang isda: datapuwa't gano na ang mga ito sa ganyang karamihan? ¹⁰Sinabi ni Jesus, Inyong paupuin ang mga tao. Madamo nga sa dakong yaon. Kaya't nagsiupo ang mga lalake, na may limang libo ang bilang. ¹¹Kinuha nga ni Jesus ang mga tinapay; at nang makapag-pasalamat, ay ipinamahagi Ni-

ya sa kanilang nangakaupo; at gayon din naman binigyan sila ng mga isda kung gaanong ibigin nila. ¹²At nang sila'y mangabusog, ay sinabi Niya sa kaniyang mga alagad, Pulutin ninyo ang mga pinagputolputol na lumabis, upang walang anomang masayang. ¹³Kaya't kanilang tinipon, at nangapuno ang labingdalawang bakol....

³⁵Sa kanila'y sinabi ni Jesus, Ako ang tinapay ng kabuhatan: ang lumalapit sa akin ay hindi magugutom, at ang sumasampalataya sa akin kailan ma'y hindi mauuhaw.... ⁴⁷Katotohanan, katotohanang sinasabi ko sa inyo, Ang sumasam-



palataya ay may buhay na walang hanggan. ⁴⁸Ako ang tinapay ng kabuhayan. ⁴⁹Nagsika-in ang inyong mga magulang ng maná sa ilang, at sila'y nangamatay.... ⁵¹Ako ang tinapay na buháy na bumabang galing sa langit: kung ang sinoman ay kumain ng tinapay na ito, siya'y mabubuhay magpakailan man: oo at ang tinapay na aking ibibigay ay ang aking lamán, sa ikabubuhay ng sanglibutan.... ⁵³Sinabi nga sa kanila ni Jesus, Katotohanan, katotohanang sinasabi ko sa inyo, Maliban nang inyong kanin ang lamán ng Anak ng tao at inumin ang kaniyang dugo, ay

wala kayong buhay sa inyong sarili. ⁵⁴Ang kumakain ng aking laman at umiinom ng aking dugo ay may buhay na walang hanggan; at siya'y aking ibabangon sa huling araw. ⁵⁵Sapagka't ang aking lamán ay tunay na pagkain, at ang aking dugo ay tunay na inumin. ⁵⁶Ang kumakain ng aking lamán at umiinom ng aking dugo ay nananahan sa akin, at ako'y sa kaniya....

⁶³Ang espiritu nga ang bumubuhay; sa lamán ay walang anomang pinakikinabang: ang mga salitang sinalita ko sa inyo ay pawang espiritu, at pawang buhay.

Gawin Mo

Sauluhin ang mga talatang ito: **Juan 6:35** at **Juan 6:63**.

Ano Ang Itinuturo Ng Kuwentong Ito?

1. Pinagmamalasakitan tayo ni Jesus tungkol sa ating mga pangangailangan. Siya ay may mga plano na upang matugunan ang lahat ng ating pangangailangan, subali't nais niyang subukin ang ating pananalig sa Kanya. Nais Niyang Siya lamang ang ating pagtuunan ng ating paningin at asahan sa bawat pangangailangan natin.

2. Kahit na si Jesus ay nagpasalamat sa kaunting bagay na mayroon Siya. Ang sabi ng Dios sa atin, **“Sa lahat ng mga bagay ay magpasalamat kayo; sapagka't ito ang kaloo-ban ng Dios kay Cristo tungkol sa inyo”** (I Tesalonica 5:18).

3. Malulutas ni Jesus ang bawat suliranin at matutugunan ang bawat pangangailangan ng may kasaganaan. **“Ngayon sa**

makapangyarihang gumawa ng lubhang sagana ng higit sa lahat ng ating hinihingi ó iniisip, ayon sa kapangyarihang gumagawa sa atin” (Efeso 3:20).

4. Ayaw ng Dios na mawalang kabuluhan ang anumang bagay. Nais niyang gamitin ang lahat ng bagay na ipinagkakaloob sa atin “ang ating oras, kakayahan, talento, at kayamanan, na walang maaksaya ng walang kabuluhan.”

“Sinabi sa kaniya ng kaniyang panginoon, Mabuting gawa, mabuti at tapat na alipin: nagtapat ka sa kakaunting bagay, pamamahalaing kita sa maraming bagay; pumasok ka sa kagalakan ng iyong panginoon” (Mateo 25:21).

5. Nang tanggapin ng mga alagad ang pagkain mula kay Jesus, ipinamahagi nila ito sa mga taong nagugutom. Kapag ta’y tumanggap ng espirtual na pagkain araw-araw mula kay Jesus, mayroon din tayong maibabahagi sa mga taong nakapaligid sa atin na nangangailangan ng “tinapay ng buhay.”

Dalawang Uri Ng Tinapay

Maraming tao ay lubos na nagalak ng sila’y magkaroon ng pagkain sa panahong sila’y nagugutom. Nais nilang si Jesus ang kanilang maging hari, upang hindi na sila magkaroon pa ng alalahanin para sa kanilang makakain! Subali’t sila’y pina-alalahan ni Jesus tungkol sa pangyayaring naganap sa kanilang mga ninuno noong unang panahon. Ang mga anak ni Israel ay naglalakbay mula sa Egipto patungong lupang pangako. Ang malaking kalipunan ng mga taong ito ay nagutom sa ilang. Kung kaya’t sila’y “pinaulanan” ng Dios ng manna (tinapay) mula sa langit upang sila’y pakanin araw-araw! Ito’y kamangha-manghang himala (Exodo 16:4-35)!

Nang malauna’y tinuruan sila ng Dios kung bakit ginawa niya ito. **“At ikaw ay pinapagpakumbaba Niya, at pinapagdamdang ka niya ng gutom, at pinakain ka niya ng maná, na hindi mo nakilala, ni nakilala ng iyong mga magulang; upang Kaniyang maipakilala sa iyo na hindi lamang sa tinapay nabubuhay ang tao, kundi sa bawa’t bagay na nagmumula sa bibig ng Panginoon” (Deuteronomio 8:3).**

Bagama’t ang Dios, sa mahimalang paraan, ay nagkaloob ng



manna mula sa langit sa maraming mga taon, ang manna ay para lamang sa pisikal na katawan. At ngayon, nang pakanin ni Jesus ang mga tao noong araw na iyon, ang tinapay na kanilang kinain ay para lamang din sa katawang lupa. Bagama't sila'y kumain at nabusog, sila'y tatanda rin at mamamatay.

Subali't si Jesus ay may dakilang balita! Sa ngayon si Jesus ay nagkakaloob ng bagong uri ng "tinapay", na kapag kinain ng mga tao, sila'y hindi mamamatay. Oo, ang kanilang lupang katawan ay mamamatay, subali't sila mismo ay hindi mamamatay, at bubuhaying muli ni Cristo ang kanilang mga katawan sa huling araw sa kanyang pagbabalik. Si Jesus ay nagsabi sa mga tao na siya mismo ay kakaibang uri ng tinapay na maaaring kanin! Siya ang buhay na tinapay para sa kanilang mga kaluluwa! Buhat sa langit Siya ay bumaba tulad ng manna. Siya ay naparito upang magbigay buhay para sa sanlibutan. Ang sino mang "kumain"—o tumanggap sa kanilang kaluluwa—ang buhay ni Jesus ay hindi mamamatay.

Paano natin "makakain" ang tinapay ng buhay, na walang iba kundi si Jesus? Paano natin "maiinom" ang kanyang dugo? Matatanggap natin ang katawang handog ni Cristo sa krus para sa ating kaligtasan. Si Jesus na siyang Kordero ng Dios, at ang Kanyang dugo ay nagtatakip sa ating mga sala, ay maaari nating tanggapin. Maaari nating tanggapin ang Espiritu niyang nagbibigay buhay sa pamamagitan ng pag-aaral, pagbubulay at pagsasabuhay nito. Kinakailangang tanggapin natin

ang Kanyang buhay araw-araw katulad ng pagkain natin araw-araw para sa ating katawan.

Sa espirtual na pagtingin, maaari nating “kainin” ang laman ni Jesus at “inumuin” ang Kanyang dugo araw-araw:

1. Lumakad sa liwanag ng salita ng Dios araw-araw. Kapag ikaw ay nagkasala, tanggapin mong ikaw ay nagkasala sa harapan ng Dios, at ang dugo ni Jesus ang siyang lilinis sa iyo upang ikaw ay makapagpatuloy sa mabuting kaugnayan sa Dios (1 Juan 1:7, 9).


2. Bawa't araw ay hilingin mo sa Panginoon na ikaw ay puspusin ng Kanyang Espiritu Santo. Sa lahat ng iyong ginagawa, ipagkatiwala sa kapangyarihan ng Dios Espiritu Santo na nasa iyo. Tumanggap ka ng mga gabay mula sa Kanya sa pamamagitan ng Biblia. Ang Salita ng Dios ay buhay para sa atin. Maglaan ng panahon para ikaw ay makapag-isa kasama ng Dios araw-araw na kung saan ay malaya kang makipag-usap sa Kanya. At sa umaga ay laging isa-isip Siya. Kausapin Siya sa pamamagitan ng iyong isip at kalooban patungkol sa lahat ng bagay. At makikita mong ikaw ay nagiging katulad ni Jesus.

Ang Salita Ng Dios Ay Pagkain Para sa Iyong Kaluluwa

Noong panahon ni Job, sinabi niya, **“Ako’y hindi humiwalay sa utos ng kaniyang mga labi; Aking pinagyaman ang mga Salita ng Kaniyang bibig ng higit kay sa aking kailalangang pagkain”** (Job 23:12). Si Jeremias ay naghayag, **“Ang iyong mga salita ay nangasumpungan, at aking kinain; at ang iyong mga salita sa ganang akin ay katuwaan at kagallakan sa aking puso: sapagka’t ako’y tinawag sa iyong pangalan, Oh Panginoong Dios ng mga hukbo** (Jeremias 15:16). Ang mang-aawit ay nagwika, **“Pagkatamis ng iyong mga salita sa aking lasa! Oo, matamis kay sa pulot sa aking bibig!”** (Mga Awit 119:103). Si Pedro ay namanhik na, **“Gaya ng mga sanggol na bagong panganak ay nasain ninyo ang gatas na walang daya na ukol sa espiritu, upang sa pamamagitan nito’y magsilago kayo sa ikaliligtas.”** (1 Pedro 2:2).

Kumain tayo ng Salita ng Dios sa bawa't araw!

SALAYSAY BILANG 12. SI JESUS AY LUMAKAD SA IBABAW NG TUBIG



Juan 6:17-21

17... At madilim na nga, at hindi dumarating sa kanila si Jesus. 18At lumalaki ang dagat dahil sa isang malakas na hanging humi-

hihip. 19Nang sila nga'y mangakagaod na ng may dalawangpu't lima ó tatlongpung estadio, ay kanilang nakita si Jesus na lumalakad sa ibabaw ng dagat, at lumalapit sa daong: at sila'y nangahintakutan. 20Datapuwa't sinabi Niya sa kanila, Ako nga; huwag kayong mangatakot. 21Malugod nga nilang tinanggap Siya sa daong: at pagdaka'y dumating ang daong sa lupang kanilang tinutumpa.

Pag-isipan Mo

Ikaw ba'y nasa gitna ng bagyo ng buhay? Ang buhay ba'y madilim sa ngayon? Si Jesus ba'y tila malayo sa iyo? Kapag ganito nga ang iyong kalagayan, dapat mong malaman na si Jesus ay tunay na nagmamalasakit. Alam Niya at kanyang nakikita. Siya ay lumalakad na kasama mo sa masalimuot na kalagayan. Huwag kang matakot. Tanggapin mo si Jesus ng may kagalakan sa panahon ng problema. Ipaubaya ito sa Kanya. Kanyang pakakalmahin ang masungit na alon at Kanya kang iingatan na makarating hanggang sa kabilang ibayo. **“Oo, bagaman ako'y lumalakad sa libis ng lilim ng kamatayan, Wala akong katatakutang kasamaan; sapagka't ikaw ay sumasa akin”** (Mga Awit 23:4a).

SALAYSAY BILANG 13. TINALAKAY NI JESUS ANG TUNGKOL SA KALAYAAN

Juan 8:31-36, 42, 47, 7:17

31Sinabi nga ni Jesus sa mga Judiong yaon na nagsisisam-

palataya sa kaniya, Kung kayo'y magsisipanatili sa aking salita, kung magkagayo'y tunay

nga kayong mga alagad ko;
³²At inyong makikilala ang katotohanan, at ang katotohana'y magpapalaya sa inyo. ³³Sa kaniya'y kanilang isinagot, Kami'y binhi ni Abraham, at kailan ma'y hindi pa naging alipin ninomang tao: paanong sinasabi mo, Kayo'y magiging laya? ³⁴Sinagot sila ni Jesus, Katotohanan, katotohanang sinasabi ko sa inyo, Ang bawa't nagkakasala ay alipin ng kasalanan. ³⁵At ang alipin ay hindi nananahan sa bahay magpakailan man: ang anak ang nananahan magpakailan man. ³⁶Kung palayain nga kayo ng Anak, kayo'y magiging tunay

na laya....⁴²Sinabi sa kanila ni Jesus, Kung ang Dios ang inyong ama, ay inyong iibigin Ako: sapagka't Ako'y nagmula at nanggaling sa Dios; sapagka't hindi ako naparito sa aking sarili, kundi sinugo Niya ako. ...⁴⁷Ang sa Dios ay nakikinig ng mga salita ng Dios: dahil dito'y hindi ninyo dinirinig, sapagka't kayo'y hindi sa Dios.

Juan 7:17

¹⁷Kung ang sinomang tao ay nagiibig gumawa ng Kaniyang kalooban, ay makikilala Niya ang turo, kung ito'y sa Dios, ó kung ako'y nagsasalita na mula sa aking sarili.

Gawin Mo

Punan ang mga puwang:

1. Kapag kayo _____ sa aking salita, sabi ni Jesus, kayo ay tunay kong mga _____ (8:31).
2. Ang _____ ay magpapalaya sa inyo (8:32).
3. Ang sino mang namumuhay sa pagkakasala ay _____ ng kasalanan (8:34).
4. Kapag ang _____ ay magpapalaya sa inyo (mula sa kasalanan), kayo nga ay totoong malaya (8:36).
5. Sinabi ni Jesus sa kanila, kapag ang Dios ang inyong Ama, inyong _____ ako (8:42).
6. Ang sa _____ ay dumirinig ng mga Salita ng Dios (8:47).
7. Ang sino mang ibig gumawa ng _____ ng Dios, ay makikilala niya ang _____ kung ito ay sa Dios mula o hindi (7:17).

SALAYSAY BILANG 14. SI JESUS ANG ILAW NG SANLIBUTAN



Juan 8:12

¹²Muli ngang nagsalita sa kani-la si Jesus, na sinasabi, Ako ang ilaw ng sanglibutan: ang sumusunod sa akin ay hindi lalakad sa kadiliman, kundi magkaka-roon ng ilaw ng kabuhayan.

Juan 9:1-9, 13-25, 33-38

¹At sa pagdaraan Niya, ay na-kita niya ang isang lalaking bulag mula sa kaniyang kapa-nganakan. ²At itinanong sa ka-niya ng kaniyang mga alagad, na nangagsasabi, Rabi, sino ang nagkasala, ang taong ito, ó ang kaniyang mga magulang, upang siya'y ipanganak na bulag? ³Su-magot si Jesus, Hindi dahil sa ang taong ito'y nagkasala, ni ang kaniyang mga magulang man: kundi upang mahayag sa kaniya ang mga gawa ng Dios. ⁴Kinakailangan nating gawin ang mga gawa niyaong nagsu-

go sa Akin, samantalang araw: dumarating ang gabi, na wa-lang taong makagagawa. ⁵Samantalang Ako'y nasa sangli-butan, Ako ang ilaw ng sangli-butan. ⁶Nang masabi Niya ang ganito, siya'y lumura sa lupa, at pinapagputik ang lupa, at pinahiran ang mga mata niya ng putik, ⁷At sinabi sa kaniya, Humayo ka, maghugas ka sa tangke ng Siloé (na kung lili-wanagin ay Sinugo). Siya nga'y humayo, at naghugas, at nag-balik na nakakakita.

⁸Ang mga kapitbahay nga, at ang nangakakita sa kaniya nang una, na siya'y pulubi, ay nangagsabi, Hindi бага ito ang nauupo at nagpapalimos? ⁹Si-nabi ng mga iba, Siya nga: si-nabi ng mga iba, Hindi, kundi nakakamukha niya. Sinabi ni-ya, Ako nga....

¹³Dinala nila sa mga Fariseo siya na nang una'y bulag. ¹⁴Araw nga ng sabbath nang gu-mawa ng putik si Jesus, at padi-latin ang kaniyang mga mata ¹⁶Ang ilan nga sa mga Fari-seo ay nangagsabi, Ang taong ito'y hindi galing sa Dios, sa-pagka't hindi nangingilin sa sabbath. Datapuwa't sinasa-

ng mga iba, Paano bagang makagagawa ng gayong mga tanda ang isang taong makasalanan? At nagkaroon ng pagkakabahabahagi sa gitna nila. ¹⁷Muling sinabi nga nila sa bulag, Ano ang sabi mo tungkol sa Kaniya, na siyang nagpadilat ng iyong mga mata? At kaniyang sinabi, Siya'y isang propeta. ¹⁸Hindi nga nagsipaniwala ang mga Judio tungkol sa Kaniya, na siya'y naging bulag, at tumanggap ng kaniyang paningin, hanggang sa kanilang tinawag ang mga magulang niyaong tumanggap ng kaniyang paningin, ¹⁹At nangagtanong sa kanila, na sinasabi, Ito бага ang inyong anak, na sinasabi ninyong ipinanganak na bulag? paano ngang nakakakita siya ngayon? ²⁰Nagsisagot ang kaniyang mga magulang, at nangagsabi, Nalalaman naming ito'y aming anak, at siya'y ipinanganak na bulag: ²¹Datapuwa't kung paanong siya'y nakakakita ngayon, ay hindi namin nalalaman; ó kung sino ang nagpadilat ng kaniyang mga mata, ay hindi namin nalalaman: tanungin siya; siya'y may gulang na; siya'y magsasalita para sa sarili niya. ²²Ang mga

bagay na ito'y sinabi ng kaniyang mga magulang, sapagka't nangatatokot sa mga Judio: ... ²⁴Dahil dito'y tinawag nilang bilang ikalawa ang taong naging bulag, at sinabi sa kaniya, Luwalhatiin mo ang Dios: nalalaman naming makasalanan ang taong ito. ²⁵Sumagot nga siya, Kung siya'y makasalanan ay hindi ko nalalaman: isang bagay ang nalalaman ko, na bagaman ako'y naging bulag, ngayo'y nakakakita ako.... ³³Kung ang taong ito'y hindi galing sa Dios, ay hindi makagagawa ng anoman. ³⁴Sila'y nagsisagot at sa kaniya'y sinabi, Ipinanganak kang lubos sa mga kasalanan, at ikaw бага ang nagtuturo sa amin? At siya'y pinalayas nila. ³⁵Nabalitaan ni Jesus na siya'y pinalayas nila; at pagkasumpung sa kaniya, ay sinabi niya, Sumasampalataya ka бага sa Anak ng Dios? ³⁶Sumagot siya at sinabi. At sino бага siya, Panginoon, upang ako'y sumampalataya sa kaniya? ³⁷Sinabi sa kaniya ni Jesus, Siya'y nakita mo na, at siya nga na nakikipagsalitaan sa iyo, ³⁸At sinabi niya, Panginoon, sumasampalataya ako. At Siya'y sinamba niya.

Sino Ang Nagsalita Nito?

1. Sino ang nagsabi nito, “Dumating ang gabi na walang taong makagagawa?” _____ (tal. 4)
2. Sino ang nagsabing, “hindi бага ito ang nauupo at nagpapalimos”? _____ (tal. 8).
3. Sino ang nagwika ng, “Ang taong ito ay hindi sa Dios”? _____ (tal. 16). [Ang mga Pariseo ay relihiyosong secta ng mga Judio. Sila ay mahigpit sa pagtupad ng mga kautusan ni Moises at mga tradisyon].
4. Sino ang maysabi ng, “Siya’y nasa hustong gulang na, tanungin ninyo siya, sapagka’t natatakot sila sa mga Judio?” _____ (tal. 21-23).
5. Sino ang may sabi, “kung ang taong ito ay hindi sa Dios, wala siyang magagawa?” _____ (tal. 33).
6. Sino ang maysabi, “sumasampalataya ka бага sa Anak ng Dios?” _____ (tal. 35).
7. Sino ang maysabi, “Panginoon, ako ay sumasampalataya?” _____ (tal. 38).

Si Jesus Ay Nagbibigay Liwanag

Nang buksan ni Jesus ang mga mata ng taong bulag, binigyan Niya ng liwanag ang kanyang buhay. Subali’t nais ni Jesus na maipakitang Siya’y nanaog upang buksan ang mga matang espiritual ng mga taong nasa kadiliman.

Noong unang panahon, ang Dios ay nangako sa pamamagitan ng mga propeta na may darating upang magbigay liwanag. **“Ang bayan na lumalakad sa kadiliman ay nakakita ng dakilang liwanag: silang nagsisitahan sa lupain ng lilim ng kamatayan, sa kanila sumilang ang liwanag”** (Isaias 9:2).

Nang angkinin ni Jesus na Siya nga ang ilaw ng sanlibutan, alam ng mga Judio na Siya’y nagsasabing Siya’y Dios, sapagka’t ang Dios ay ilaw. **“Ang Panginoon ay aking liwanag, at aking kaligtasan”** (Mga Awit 27:1a). **“Pagka ako’y naupo**

sa kadiliman, ang Panginoo'y magiging ilaw sa akin" (Mikas 7:8b).

Kapag si Jesus ay ating kilala, kilala natin ang Dios. Ang sabi ni Jesus, **"Kung ako'y nangakilala ninyo ay mangakilala ninyo ang aking Ama"** (Juan 14:7a). **"Yamang ang Dios, ang nagsabi, Magniningning ang ilaw sa kadiliman, na siyang nagningning sa aming mga puso, upang magbigay ng liwanag ng pagkakilala sa kaluwalhatian ng Dios sa mukha ni Jesucristo"** (II Corinto 4:6). Natanggap mo na ba ang ganitong liwanag?

Paglakad Sa Liwanag

Ang sumusunod kay Jesus ay 'di lalakad sa kadiliman kundi sa liwanag. **"Sapagka't noong panahon kayo'y kadiliman, datapuwa't ngayon kayo'y kaliwanagan sa Panginoon: magsilakad kayong gaya ng mga anak ng kaliwanagan"** (Efeso 5:8). Ang Salita ng Dios ay ilaw. **"Ang salita mo'y ilawan sa aking mga paa, at liwanag sa aking landas"** (Mga Awit 119:105). Sa ating paglapit sa Salita ng Dios bawa't araw, kinakailangang tayo'y makinig at sumunod sa mga sinasabi nito. Ito ang ibig sabihin ng **"lumakad ka sa liwanag"**. Ang pagtupad sa sinasabi ng Dios ay paglakad sa liwanag.

Kaya't manatili tayong lumalakad sa liwanag, kapag hindi gayon ay malilinlang tayo ng Diablo at magagawa niyang bulagin ang ating mga isipan at puso.

Tayo Ay Mga Ilaw Sa Sanlibutan

"Gawin ninyo ang lahat ng mga bagay na walang mga bulungbulong at pagtatalo: Upang kayo'y maging walang sala at walang malay, mga anak ng Dios na walang dungis sa gitna ng isang lahing liko at masama, na sa gitna nila'y lumiliwanag kayong tulad sa mga ilaw sa sanglibutan" (Filipos 2:14, 15).

Ang buhay mo ba ay nagbibigay liwanag sa iyong kapaligiran? Kapag hindi gano'n, si Apostol Pablo ay nagsusumamong, **"iwaksi nga natin ang mga gawa ng kadiliman, at ating isakbat ang mga sandata ng kaliwanagan"** (Roma 13:12b).

Gumawa Habang May Liwanag

Hanggang sa pagbabalik ni Jesus, kinakailangang tayo'y gumawa habang may liwanag pa sa madilim na mundong ito. Darating ang panahon na ang sanlibutang ito ay lilipas (Mateo 5:18). Ang mga hindi nagsisilapit sa ilaw ay ibubulid sa kadiliman magpakailanman (Mateo 22:13). Tayo'y gumawa **“Upang idilat mo ang kanilang mga mata, upang sila'y mangagbalik sa ilaw mula sa kadiliman at mula sa kapang-yarihan ni Satanas hanggang sa Dios, upang sila'y mag-sitanggap ng kapatawaran ng mga kasalanan”** (Mga Gawa 26:18a).

Minsan ang mga Judio ay nagtanong kay Jesus, **“Ano ang kinakailangan naming gawin, upang aming magawa ang mga gawa ng Dios?”** Sinagot sila ni Jesus, **“Ito ang gawa ng Dios, na inyong sampalatayanan yaong kaniyang sinugo”** (Juan 6:28b, 29b). Maliwanag na itinuro ni Jesus na, **“Sapagka't malibang kayo'y magsisampalataya na Ako nga ang Cristo, ay mangamamatay kayo sa inyong mga kasalanan”** (Juan 8:24b). Kinakailangang nakakatiyak tayo sa ating sarili na tayo nga ay nakalapit na sa ilaw upang tumanggap ng buhay na walang hanggan. Kung gayon, kinakailangan nating gumawa kasama ni Jesus na akayin ang iba tungo sa ilaw. Sinabi ni Jesus, **“Magsigawa kayo hindi dahil sa pagkaing napapanis, kundi dahil sa pagkaing tumatagal sa buhay na walang hanggan, na ibibigay sa inyo ng Anak ng tao: sapagka't siyang tinatakan ng Ama, sa makatuwid baga'y ang Dios”** (Juan 6:27).

Natatandaan n'yo ba ang taong bulag sa ating kuwento? Buong tapang na sinabi niya sa iba kung ano ang ginawa sa Kanya ni Jesus. Bagama't siya'y itinakwil ng mga nabubulagang espirtual, pinagmalasakitan siya ni Jesus at siya'y nilapitan upang ipahayag pa sa kanya ang marami pang kato-tohanan tungkol sa katauhan ni Jesus. Gagawin din ito ng Panginoon sa iyo!

SALAYSAY BILANG 15. SI JESUS ANG MABUTING PASTOL



Juan 10:7-16, 27-33

7Muli ngang sinabi sa kanila ni Jesus, Katotohanan, kato-tohanang sinasabi ko sa inyo, Ako ang pintuan ng mga tupa. **8**Ang lahat ng nangauna sa akin nagsiparito ay mga magnanakaw at mga tulisan: data-puwa't hindi sila dininig ng mga tupa. **9**Ako ang pintuan; ang sinomang taong pumasok sa Akin, ay siya'y maliligtas, at papasok at lalabas, at makasusumpung ng pastulan. **10**Hindi pumaparito ang magnanakaw, kundi upang magnakaw, at pumatay, at pumuksa: Ako'y naparito upang sila'y magkaroon ng buhay, at magkaroon ng kasaganaan nito. **11**Ako ang mabuting pastor: ibinibigay ng

mabuting pastor ang kaniyang buhay dahil sa mga tupa. **12**Ang nagpapaupa, at hindi ang pastor, na hindi may-ari ng mga tupa, ay nakikitang dumarating ang lobo, at pinababayaan ang mga tupa, at tumatakas, at inagaw sila ng lobo, at pinapangangat: **13**Siya'y tumatakas sapagka't siya'y upahan, at hindi ipinagmamalasakit ang mga tupa. **14**Ako ang mabuting pastor; at nakikilala ko ang sariling akin, at ang sariling akin ay nakikilala ako, **15**Gaya ng pagkakilala sa akin ng Ama, at ng sa Ama ay pagkakilala ko; at ibinibigay ko ang aking buhay dahil sa mga tupa. **16**At mayroon akong ibang mga tupa, na hindi sa kulungang ito: sila'y kailangan din namang dalhin ko, at kanilang diringgin ang aking tinig; at sila'y magiging isang kawan, at magkakaroon ng isang pastor. ...**27**Dinirinig ng aking mga tupa ang Aking tinig, at sila'y aking nakikilala, at sila'y nagsisisunod sa Akin: **28**At sila'y binibigyan ko ng walang hanggang buhay; at kailan ma'y hindi sila malilipol, at hindi sila aagawin ng sinoman sa aking

kamay. ²⁹Ang aking Ama, na sa kanila ay nagbigay sa Akin, ay lalong dakila kay sa lahat; at hindi sila maaagaw ninoman sa kamay ng Ama. ³⁰Ako at ang Ama ay iisa. ³¹Nag-sidampot uli ng mga bato ang mga Judio upang siya'y batuhin. ³²Sinagot sila ni Jesus, Maraming mabubuting gawa na mula sa Ama ang ipinakitako ko sa inyo; alin sa mga gawang yaon ang ibinabato ninyo sa akin? ³³Sinagot siya ng mga Judio, Hindi dahil sa mabuting gawa ay binabato kanamin, kundi sa pamumungong; at sapagka't ikaw, bagaman ikaw ay tao, ay nagpapakunwari kang Dios.

Mga Ilang Aral Mula Sa Salaysay Na Ito

1. *Si Jesus ang tanging pintuan tungo sa kaligtasan.* Sa pamamagitan lamang ng pakikinig ng Kanyang tinig at pagsunod sa Kanya tayo ay magiging sarili Niyang mga tupa. **"Tayong lahat na gaya ng mga tupa ay naligaw; tayo ay tumungo bawa't isa sa kaniyang sariling daan; at ipinasan sa Kaniya ng Panginoon ang kasamaan nating lahat"** (Isaias 53:6). Tumalikod ka na ba mula sa iyong sariling gawi upang sumunod sa Kanya?

2. *Si Jesus lamang ang tunay na Pastol.* **"Alamin ninyo na ang Panginoon ay siyang Dios: Siya ang lumalang sa atin, at tayo'y kaniya: Tayo'y kaniyang bayan, at mga tupa ng kaniyang pastulan"** (Mga Awit 100:3).

3. *Kung tayo ang Kanyang mga tupa, kilala Niya tayo, at kilala natin Siya.* **"Nguni't ikaw, Oh Panginoon, nakakakilala sa akin; iyong nakikita ako, at tinatarok mo ang aking puso"** (Jeremias 12:3a). Kilala mo ba si Jesus bilang iyong Pastol? Sa pagdating ng "Punong Pastol," marami ang magsasabi sa Kanya, **"Panginoon, Panginoon, hindi бага nagsipanghula kami sa iyong pangalan, at sa pangalan mo'y nangagpalayas kami ng mga demonio, at sa pangalan mo'y nagsigawa kami ng maraming gawang makapangyarihan?"** Ang sagot ni Jesus, **"At kung magkagayo'y ipahahayag ko sa kanila, Kailan ma'y hindi ko kayo nangakilala: magsilayo kayo sa akin, kayong manggagawa ng katampalasan"** (Mateo 7:22b, 23.) Hindi maaaring makisama

tayo sa Pastol, kung lumalakad pa rin tayo sa ating sariling gawi.

4. *Kapag tayo'y napabilang kay Jesus, tayo'y ligtas magpakailanman.* Walang sino mang makapag-aalis sa atin mula sa Kanyang kamay.

5. *Ang sumusunod kay Jesus ay lumalayo sa mga estranghero.* Si Satanas ay katulad ng isang magnanakaw na nais magnakaw, pumatay, at magwasak.

6. *Inangkin ni Jesus sa Kanyang sarili na Siya'y Dios.* Nang angkinin ni Jesus na Siya ang Mabuting Pastol, alam ng mga Judio na ginagawa Niya ang Kanyang sarili na kapantay ng Dios. Kung sinusunod nga lamang nila ang Dios makikilala nila si Jesus na kanilang Pastol. **"Narito, ang Panginoong Dios ay darating... Kaniyang papastulin ang Kaniyang kawan, na gaya ng pastor"** (Isaias 40:10a, 11a).

Ang Awit Ng Pastol

Mga Awit 23

¹Ang Panginoon ay aking pastor; hindi ako mangangailangan. ²Kaniyang pinahihiga ako sa sariwang pastulan: Pinapatnubayan niya ako sa siping ng mga tubig na pahingahan, ³Kaniyang pinapananauli ang aking kaluluwa: Pinapatnubayan niya ako sa mga landas ng katuwiran alangalang sa kaniyang pangalan. ⁴Oo, bagaman ako'y lumalakad sa libis ng lilim ng kamatayan, Wala akong katatakutang kasamaan; sapagka't ikaw ay sumasa akin: Ang iyong pamalo at ang iyong tungkod, ay nagsisialiwal sa akin. ⁵Iyong pinaghahandaan ako ng dulang sa harap ko sa harapan

ng aking mga kaaway: Iyong pinahiran ang aking ulo ng langis; Ang aking saro ay inaaapawan ⁶Tunay na ang kabutihan at kaawaan ay susunod sa akin sa lahat ng mga kaarawan ng aking buhay: At ako'y tatahan sa bahay ng Panginoon magpakailan man.



SALAYSAY BILANG 16. SI JESUS ANG PAGKABUHAY AT ANG BUHAY

Juan 11:1-6; 17-46

¹Isang tao nga na may-sakit, si Lázaro na taga Betania, na nasyon ni Maria at ni Marta na kaniyang kapatid....³Nagpasugo nga sa kaniya ang mga kapatid na babae, na nagsasabi, Panginoon, narito, siya na iyong iniibig ay may-sakit.⁴Nguni't pagkarinig ni Jesus nito, ay sinabi niya, Ang sakit na ito'y hindi sa ikamamatay, kundi sa ikaluluwalhati ng Dios, upang ang Anak ng Dios ay luwalhatiin sa pamamagitan niyaon.⁵Iniibig nga ni Jesus si Marta, at ang kaniyang kapatid na babae, at si Lázaro.⁶Nang mabalitaan nga niya na siya'y may-sakit, siya'y tumahang dalawang araw nang panahong yaon sa dating kinaroroonan niya....¹⁷Kaya't nang dumating si Jesus, ay naratnan niyang apat na araw na siya'y nalilibing....²⁰Si Marta nga, nang marinig niyang si Jesus ay dumarating, ay yumaon at sumalubong sa kaniya: nguni't si Maria ay nanatiling nakaupo sa bahay.²¹Sinabi nga ni Marta kay Jesus, Panginoon, kung ikaw sana'y narito, disin ang kapatid ko ay hindi namatay.

²²At ngayon man nama'y nalalaman ko na, anomang hingin mo sa Dios, ay ipagkakaloob sa iyo ng Dios.²³Sinabi sa kaniya ni Jesus, Magbabangon uli ang iyong kapatid.²⁴Si Marta ay nagsabi sa kaniya, Nalalaman ko na siya'y magbabangon uli sa pagkabuhay na maguli sa huling araw.²⁵Sinabi sa kaniya ni Jesus, Ako ang pagkabuhay na maguli, at ang kabuhayan: ang sumasampalataya sa akin, bagama't siya'y mamatay, gayon ma'y mabubuhay siya;²⁶At ang sinomang nabubuhay at sumasampalataya sa akin ay hindi mamamatay magpakailan man. Sinasampalatayan mo бага ito? ²⁷Sinabi niya sa kaniya, Oo, Panginoon: sumasampalataya ako na ikaw ang Cristo ang Anak ng Dios, sa makatuwid бага'y ang naparirito sa sanglibutan....³²Si Maria nga, pagdating niya sa kinaroroonan ni Jesus, at pagkakita sa Kaniya, ay nagpatirapa sa kaniya, Panginoon, kung ikaw sana'y narito, disin ay hindi namatay ang aking kapatid.³³Nang makita nga ni Jesus na siya'y tumatangis, at gayon din

ang mga Judiong nagsisitangis na kasama niyang dumating, ay nalagim siya sa espiritu, at nagulumihanan, ³⁴At sinabi, Saan ninyo siya inilagay? Sinabi nila sa kaniya, Panginoon, halika at tingnan mo. ³⁵Tumanngis si Jesus. ³⁶Sinabi nga ng mga Judio, Tingnan ninyo kung gaano ang pagibig niya sa kaniya! ³⁷Datapuwa't ang ilan sa kanila'y nagsipagsabi, Hindi бага magagawa ng taong ito, na nagpadilat ng mga mata ng bulag, na ang taong ito naman ay huwag mamatay? ³⁸Si Jesus nga sa muling pagkalagim sa kaniyang sarili ay naparoon sa libingan. Yaon nga'y isang yungib, at mayroong isang batong nakatakip sa ibabaw noon. ³⁹Sinabi ni Jesus, Alisin ninyo ang bato. Si Marta, na kapatid niyaong namatay, ay nagsabi sa kaniya, Panginoon, sa ngayon ay nabubulok na ang bangkay sapagka't may apat na araw nang siya'y namamatay. ⁴⁰Sinabi sa kaniya ni Jesus, Di бага sinabi ko sa iyo, na, kung ikaw ay sasampalataya, ay makikita mo ang kaluwalhatian ng Dios? ⁴¹Kaya't inalis nila ang bato. At itiningin ni Jesus sa itaas ang kaniyang mga mata, at sinabi, Ama, nagpapasalamat

ako sa iyo, na ako'y iyong dininig. ⁴²At nalalaman ko na Ako'y lagi mong dinirinig: nguni't ito'y sinabi ko dahil sa karamihang nasa palibot, upang sila'y magsisampalataya na ikaw ang nagsugo sa Akin. ⁴³At nang masabi niya ang gayon, ay sumigaw siya ng malakas na tinig, Lázaro, lumabas ka. ⁴⁴Siya na patay ay lumabas, na natatalian ang mga kamay at mga paa ng mga kayong panglibing; at ang kaniyang mukha ay nababalot ng isang panyo. Sinabi sa kanila ni Jesus, Siya'y inyong kalagan, at bayaan ninyo siyang yumaon. ⁴⁵Marami nga sa mga Judio ang nagsiparoon kay Maria at nangakakita ng ginawa Niya, ay nagsisampalataya sa Kaniya. ⁴⁶Datapuwa't ang ilan sa kanila ay nagsiparoon sa mga Fariseo, at sinaysay sa kanila ang mga bagay na ginawa ni Jesus.



Pag-isipan Mo

Di ba't napakagandang isipin na minamahal Jesus ang Kanyang mga kaibigan? Ikaw ay Kanya ring kaibigan kapag tinutupad mo ang anomang Kanyang ipinag-uutos (Juan 15:14). Sa salaysay na ito, ang mga kaibigan ni Jesus ay nahaharap sa isang malungkot na katatayuan. Para bang sa unang tingin ay binabaliwala ito ni Jesus. Sa iyong sarili, nararamdaman mo rin bang ang Dios ay hindi nagmamalasakit sa panahon ng iyong kagipitan? Subali't ang Dios kailanman ay hindi natutulog. Siya ay laging may magandang plano. Kinakailangang tayo ay laging nagtitiwala sa Kanya na Kanyang gagawin ang lahat ng pangyayari para sa Kanyang kaluguran.

Ang Dios ay mayroong magandang plano para sa iyo. Nais Niya ikaw ay maging katulad ng Kanyang Anak na si Jesus. **“At nalalaman natin na ang lahat ng mga bagay ay nagkakalakip na gumagawa sa ikabubuti ng mga nagsisiibig sa Dios, sa makatuwid baga’y niyaong mga tinawag alin-sunod sa Kaniyang nasa. Sapagka’t yaong mga nang una pa’y kaniyang nakilala, ay itinalaga naman niya na maging katulad ng larawan ng kaniyang Anak”** (Roma 8:28, 29a). Ito ang dahilan kung bakit kinakailangang malampasan natin ang mga kahirapan sa buhay.

Nais turuan ni Jesus si Maria at Marta, at kahit na tayo, na ang pagsampalataya sa Kanya ay nangangahulugang hindi tayo mamamatay. Kapag namatay ang mga sumasampalataya kay Jesus, sila ay **“mawala sa katawan”** at **“kasama ng Panginoon”** (II Corinto 5:8).


Pinatunayan din ni Jesus na magagawa Niyang buhayang muli ang mga namatay sa pagtawag sa kanilang mga pangalan. [Narinig ni Lazaro ang tinig ni Jesus na tumatawag sa Kanya, at siya’y nabuhay.] Sa muling pagbabalik ni Jesus dito sa mundo, **“maririnig ng mga patay ang tinig ng Anak ng Dios; at ang mangakarinig ay mangabubuhay”** (Juan 5:25b).

Kahit ngayon, si Jesus ay kumakatok na sa mga pintuan ng inyong mga puso. **“Kung ang sinoman ay duminig ng Aking tinig at magbukas ng pinto, Ako’y papasók sa kaniya...”** (Apocalipsis 3:20b). Ang mga dumirinig sa Kanyang tinig at magbubukas ng pinto ay magiging bagong nilalang. **“At kayo’y binuhay niya, nang kayo’y mga patay dahil sa inyong mga pagsalangsang at mga kasalanan”** (Efeso 2:1). **“Gayon din naman kayo, ibilang ninyong kayo’y tunay na mga patay na sa kasalanan, nguni’t mga buháy sa Dios kay Cristo Jesus”** (Roma 6:11).

Ang Himalang Ito Ay Nangangailangan Ng Pagsunod

Humarap ka na ba sa isang kalalagayang wala ng pag-asa kundi himala na lamang? Maaaring ipahintulot ni Jesus ang maraming mahihirap na bagay na dumating sa iyong buhay, “para sa kaluwalhatian ng Dios.” Subali’t huwag mong kalili-mutang mahal ka Niya katulad ng Kanyang pagmamahal kay Maria at Marta. Maaaring may pinaplano Siyang isang himala na hindi mo inaasahan. Subalit isipin mo ang pagsunod ay kinakailangan para sa himalang ito ng bagong buhay. Sinabi ni Jesus, “Alisin ang batong nakatakip sa libingan,” bagama’t sa paningin ng mga tao ito ay isang kahibangan, sila ay sumunod. At matapos na lumabas si Lazaro, sinabi ni Jesus, “siya’y inyong kalagan at bayaan ninyo siyang yumaon.”

Upang mahayag ang kaluwalhatian ng kapangyarihan ng Dios, tayo din naman ay kinakailangang maging masunurin kahit na sa maliliit na bagay na ipinapagawa sa atin ng Banal na Espiritu. Maaring ito ang batong nakatakip na kinakailangang alisin upang si Jesus ay makagawa ng himala, tulungan natin ang iba na makalaya mula sa mga bagay na humahadlang sa kanila upang magkaroon ng buong kalayaan.



SALAYSAY BILANG 17. ANG KUNSELYO AY NAG-BABALAK NA PATAYIN SI JESUS

Juan 11:47-53

⁴⁷Ang mga pangulong saserdote nga at ang mga Fariseo ay nangagpulong, at nagsipagsabi, Ano ang ginagawa natin? sapagka't ang taong ito'y gumagawa ng maraming tanda. ⁴⁸Kung siya'y ating pabayaang gayon, ang lahat ng mga tao ay magsisisampalataya sa Kaniya: at magsisiparito ang mga Romano at pagkukunin ang ating kinaroroonan at gayon din naman ang ating bansa. ⁴⁹Nguni't ang isa sa kanila na si Caifás, na dakilang saserdote nang taong yaon, ay nagsabi sa kanila, Kayo'y walang nalalamang

anoman, ⁵⁰Ni inyong niwawari na sa inyo'y nararapat na ang isang tao ay mamatay dahil sa bayan, at hindi ang boong bansa ay mapahamak. ⁵¹Ito nga'y sinabi niya na hindi sa kaniyang sarili: kundi palibhasa ay dakilang saserdote nang taong yaon, ay hinulaan niya na si Jesus ay dapat mamatay dahil sa bansa; ⁵²At hindi dahil sa bansa lamang, kundi upang matipon din naman niya sa isa ang mga anak ng Dios na nagsisipangalat. ⁵³Kaya't mula nang araw na yaon ay pinagsanggunianan nilang ipapatay Siya.

Ang Pagtangga Sa Hari

Hindi makapaniwala ang mga pinunong Judio na si Jesus ang ipinangakong Hari ng Israel. Sila ay katulad ng mga masamang katiwala sa isang talinhaga ni Jesus. Ang sabi ng mga katiwala, **“Ayaw kami na ang taong ito'y maghari pa sa amin”** (Lucas 19:14b).

Ang layunin ng Dios kay Jesus bago pa nalikha ang sanlibutan ay upang iligtas hindi lamang ang bansang Israel, kundi ang buong sanlibutan! **“Gayon ma'y kinalugdan ng Panginoon na mabugbog Siya; inilagay Niya Siya sa pagdaramdam: pagka iyong gagawin ang Kaniyang kaluluwa na pinakahandog dahil sa kasalanan, makikita niya ang kaniyang lahi, ... at ang pagkalugod ng Panginoon ay lalago sa Kaniyang kamay”** (Isaias 53:10).

SALAYSAY BILANG 18. ANG MAMAHALING KALOOB



Juan 12:1-8

¹Anim na araw nga bago magpaskua ay naparoon si Jesus sa Betania, na kinaroroonan ni Lázaro, na ibinangon ni Jesus mula sa mga patay. **²**Kaya't iginawa siya doon ng isang hapunan: at si Marta ay naglilingkod; datapuwa't si Lázaro ay isa sa nangakaupo sa pagkain na kasalo niya. **³**Si Maria nga'y kumuha ng isang libra ng unguentong taganas na nardo, na totoong mahalaga, at pinahiran

ang mga paa ni Jesus, at kinuskos ang kaniyang mga paa ng kaniyang mga buhok: at ang bahay ay napuno ng amoy ng unguento. **⁴**Datapuwa't si Judas Iscariote, na isa sa Kaniyang mga alagad, na sa Kaniya'y magkakanulo, ay nagsabi, **⁵**Bakit hindi ipinagbili ang unguentong ito ng tatlong daang denario, at ibigay sa mga dukha? **⁶**Ito'y sinabi nga niya, hindi sapagka't ipinagmalasakit niya ang mga dukha; kundi sapagka't siya'y magnanakaw, at yamang nasa kaniya ang supot ay kinukuha niya ang doon ay inilalagay. **⁷**Sinabi nga ni Jesus, Pabayaan ninyong ilaan niya ito ukol sa araw ng paglilibing sa Akin. **⁸**Sapagka't ang mga dukha ay laging nasa inyo; nguni't ako'y hindi laging nasa inyo.

Si Jesus Ay Karapat-dapat Na Tumanggap Ng Lahat Ng Karangalan

Nang buhayng muli ni Jesus si Lazaro, ang konseho ng mga Judio ay nagbalak na patayin Siya. Subali't ang mga kaibigan ni Jesus ay puspos ng katuwaan, at pagpupuri, dahil dito'y naghanda sila ng bukod-tanging hapunan upang parangalan si Jesus. Nauunawaan ni Maria ang katuruan ni Jesus patungkol sa Kanyang kamatayan (Mateo 26:2). Ang pagma-

mahal niya kay Jesus ay nagtulak sa kanya na ihandog ang isang mamahaling pabango, na nagkakahalaga ng may 300 araw na upa sa paggawa.

“Na nangagsasabi ng malakas na tinig, Karapatdapat ang Kordero na pinatay upang tumanggap ng kapangyarihan, at kayamanan, at karunungan, at kalakasan, at kapurihan, at kaluwalhatian, at pagpapala (Apocalipsis 5:12). Si Jesus ay tunay na karapat-dapat na tumanggap ng lahat ng papuri at pagsamba na maibibigay natin sa Kanya!

Mga Kaloob Na Maibibigay Natin Kay Jesus

Ano ang maipagkakaloob natin kay Jesus upang maipahayag ang karapat-dapat na pagsamba? Sinabi ni Pablo, **“Kaya nga, mga kapatid, ipinamamanhik ko sa inyo, alangalang sa mga kahabagan ng Dios, na inyong iharap ang inyong mga katawan na isang haing buháy, banal, na kaayaaya sa Dios, na siya ninyong katampatang pagsamba”** (Roma 12:1). Ibigay natin ang ating mga katawan kay Jesus sa pamamagitan ng pamumuhay na nakakalugod sa Kanya.

Maaaring isipin ng iba na inaaksaya mo lamang ang iyong buhay at mga talento sa paglilingkod sa Panginoon. Di ba’t si Judas rin ay nag-isip na sinasayang lamang ni Maria ang kanyang kaloob kay Jesus? Subali’t nasaan si Judas ngayon? **“Ang alaala sa ganap ay pinagpapala: Nguni’t ang pangalan ng masamá ay mapaparam”** (Kawikaan 10:7). **“Ang matuwid ay maaalaalang walang hanggan”** (Mga Awit 112:6b).

Kapag inihahayag natin ang ating pag-ibig sa mga kapatid sa Panginoon, ating pinararangalan ang Cristong nananahan sa kanila. Pinakikitunguhan mo ba ang iyong Cristiyanong mga magulang, asawa o mga anak ng pakikitungong narapat tulad ng kay Jesus? Atin ding pinararangalan si Jesus kapag ating iniibig ang ating mga kaaway, sapagka’t ito ang utos niya sa atin (Mateo 5:44).

“Sa pamamagitan nga Niya ay maghandog tayong palagi ng hain ng pagpupuri sa Dios, sa makatuwid бага, ay ng bunga ng mga labi na nagpapahayag ng Kaniyang pangalan” (Hebreo 13:15).

SALAYSAY BILANG 19. ANG MAPAGPAKUMBABANG HARI



Juan 12:12-15

¹²Nang kinabukasan ang isang malaking karamihan na nagsiparoon sa pista, pagkaba-

lita nila na si Jesus ay dumara-ting sa Jerusalem, ¹³Ay nagsi-kuha ng mga palapa ng mga puno ng palma, at nagsilabas na sumalubong sa Kaniya, na nagsisigawan, Hosanna: Mapalad ang pumaparito sa pangalan ng Panginoon, sa makatuwid baga'y ang Hari ng Israel. ¹⁴At si Jesus, pagkasumpong sa isang batang asno, ay sumakay doon, gaya ng nasusulat, ¹⁵Huwag kang matakot, anak na babae ng Sion: narito, ang iyong Hari ay pumaparito, na nakasakay sa isang anak ng asno.

Magbabalik Si Jesus Bilang Pinakatanyag Na Hari

Ang propeta sa Lumang Tipan ay nagpahayag, **"Narito, ang iyong hari ay naparirito sa iyo; siya'y ganap at may pagligligtas; mapagmababa, at na kasakay sa isang asno, sa isang batang asno na anak ng asnong babae"** (Zacarias 9:9b). Higit sa 300 mga hula ay natupad sa buhay, kamtayan, at muling pagkabuhay ni Jesus. Subali't higit pa sa maikalong ulit ng mga hulang iyan ang dapat pang magkaroon ng katuparan sa muling pagbabalik ni Jesus bilang pinakadakilang Hari. **"Sapagka't ang Panginoon din ang bababang mula sa langit, na may isang sigaw, may tinig ng arkanghel, at may pakakak ng Dios: at ang nangamatay kay Cristo ay unang mangabubuhay na maguli; Kung magkagayon, tayong nangabubuhay, na nangatitira, ay aagawing kasama nila sa mga alapaap, upang salubungin ang Panginoon sa hangin"** (I Tesalonica 4:16, 17a).


"Ng Panginoong Jesus mula sa langit na kasama ang

mga anghel ng kaniyang kapangyarihan na nasa nag-niningas na apoy, na maghihiganti sa hindi nagsisikilala sa Dios, at sa kanila na hindi nagsisitalima sa evangelio ng ating Panginoong Jesus” (II Tesalonica 1:7b, 8).

Handa Ka Na Ba Sa Kanyang Pagbabalik?

Laging tinutupad ng Dios ang Kanyang mga pangako? Pinatatagal Niya ang Kanyang pagbabalik upang marami pang mga tao ang maligtas. **“na hindi niya ibig na sinoman ay mapahamak, kundi ang lahat ay magsipagsisi.”** (II Pedro 3:9b). Subali’t Siya’y malapit ng dumating! Ikaw ba’y handa: namumuhay ng may kabanalan at inaakay ang iba sa Kanya?

SALAYSAY BILANG 20. ANG BUTIL NG TRIGO



Juan 12:24-26

²⁴Katotohanan, katotohanang sinasabi ko sa inyo, Maliban ang butil ng trigo ay mahulog sa lupa at mamatay, ay natitira siyang magiisa; nguni’t kung mamatay, ay nagbubunga ng marami. ²⁵Ang umii-

big sa kaniyang buhay ay mawawalan nito; at ang napopoot sa kaniyang buhay sa sanglibutang ito ay maiingatan yaon sa buhay na walang hanggan. ²⁶Kung ang sinomang tao’y naglilingkod sa Akin, ay sumunod sa Akin; at kung saan Ako naroroon, ay doon naman doroon ang lingkod Ko: kung ang sinomang tao’y maglilingkod sa Akin, ay siya’y pararangalan ng Ama.

Ano Ang Ibig Sabihin Ng Mamatay?

Ang kamatayan ay dumarating bago ang kapangyarihan ng muling pagkabuhay. Ito ay totoo kay Cristo at totoo din naman sa atin. Ipinakita sa atin ni Apostol Pablo kung ano ang ibig sabihin ng mamatay sa sarili alang-alang kay Cristo. **“Gayon man ang mga bagay na sa akin ay pakinabang, ay inari kong kalugihan, alang-alang kay Cristo. Upang maki-lala ko Siya, at ang kapangyarihan ng Kaniyang pagkabuhay na mag-uli”** (Filipos 3:7, 10a).

Kadalasan, ang pagsunod kay Cristo ay nangangahulugan ng kamatayan ng mga pansariling pagnanasa. Kapag ang sarili'y namamatay, ang kapangyarihan ni Cristo sa atin ay kumikilos. Maituturing natin ang ating lumang pagkatao ay napakong kasama ni Cristo sa krus; ang ating bagong pagkatao ay nabubuhay sa pamamagitan ng pananampalataya habang tayo ay lumalakad ng may pagsunod sa Dios. **"Ako'y napako sa krus na kasama ni Cristo; at hindi na ako ang nabubuhay, kundi si Cristo ang nabubuhay sa akin: at ang buhay na ikinabubuhay ko ngayon sa laman ay ikinabubuhay ko sa pananampalataya, ang pananampalataya na ito'y sa Anak ng Dios, na sa akin ay umibig, at ibinigay ang Kaniyang sarili dahil sa akin"** (Galacia 2:20). **"Sapagka't kung mangabuhay kayo ng ayon sa laman, ay mangamamatay kayo; datapuwa't kung sa pamamagitan ng Espiritu ay pinapatay ninyo ang mga gawa ng laman, ay mangabubuhay kayo"** (Roma 8:13). Bayaang ang Espiritu ng Dios ay patnubayan kayo sa ano mang mga bagay sa inyong buhay na kinakailangang mamatay. **"Sapagka't Dios ang gumagawa sa inyo maging sa pagnanasa at sa paggawa, ayon sa Kaniyang mabuting kalooban"** (Filipos 2:13).

SALAYSAY BILANG 21. SI JESUS AY NAGTURO SA PAMAMAGITAN NG HALIMBAWA

Juan 13:4-17, 34, 35

4Ay nagtindig sa paghapon, at itinabi ang Kaniyang mga damit; at siya'y kumuha ng isang toalya, at ibinigkis sa Kaniyang sarili. **5**Nang magkagayo'y nag-salin ng tubig sa kamay, at pinasimulang hugasan ang mga paa ng mga alagad, at kinuskos ng toalya na sa kaniya'y naka-



bigkis....¹²Kaya't nang mahugasan Niya ang kanilang mga paa, at makuha ang kaniyang mga damit at muling maupo, ay sinabi niya sa kanila, Nalalaman бага ninyo kung ano ang ginawa ko sa inyo? ¹³Tinatawag ninyo akong Guro at Panginoon: at mabuti ang inyong sinasabi; sapagka't Ako nga. ¹⁴Kung Ako nga, na Panginoon at Guro, ay naghugas ng inyong mga paa, kayo naman ay nararapat ding mangaghugasan ng mga paa ng isa't isa. ¹⁵Sapagka't kayo'y binigyan ko ng halimbawa, upang gawin naman ninyo ayon sa ginawa Ko sa inyo. ¹⁶Ka-

totohanan, katotohanang sinasabi ko sa inyo, Ang alipin ay hindi dakila kaysa kaniyang panginoon; ni ang sinugo man ay dakila kay sa nagsugo sa kaniya. ¹⁷Kung nalalaman ninyo ang mga bagay na ito, kayo ay mapapalad kung inyong mga gawin....

³⁴Isang bagong utos ang sa inyo'y ibinibigay ko, na kayo'y mangagibigan sa isa't isa: na kung paanong inibig ko kayo, ay mangagibigan naman kayo sa isa't isa. ³⁵Sa ganito'y mangakikilala ng lahat ng mga tao na kayo ay Aking mga alagad, kung kayo'y may pagibig sa isa't isa.

Gawin Mo

Ano ang dalawang bagay na itinuro ni Jesus sa pamamagitan ng kanyang sariling halimbawa?

1. Sinabi niya, "Kung ako nga, na Panginoon at Guro, ay _____ ng inyong mga _____, kayo naman ay nararapat ding _____ ng mga _____ ng isa't-isa" (tal. 14).

2. Kanya ring sinabi, "na kung paanong _____ ko kayo, ay _____ naman kayo sa isa't-isa" (tal. 34).

Ang Lihim Ng Pagiging Maligaya

Sinabi ni Jesus na tayo ay liligaya kapag susunod tayo sa Kanyang halimbawa at paglilingkuran ang iba. Kamanghamanghang larawan! Na makita natin ang ating Manlilikha na ginagampanan ang gawain ng isang alipin: ang paghuhugas ng mga paang nadumihan sa maghapon ng Kanyang mga

alagad! “Mangagkaroon kayo sa inyo ng pagiisip, na ito’y na kay Cristo Jesus din naman: Na siya, bagama’t nasa anyong Dios, ay hindi niya inaring isang bagay na nararapat panangnan ang pagkapantay niya sa Dios, Kundi bagkus hinubad niya ito, at naganyong alipin...kaya siya naman ay pinakadakila ng Dios” (Filipos 2:5-9a).

SALAYSAY BILANG 22. LIMANG KAHANGA-HANGANG PANGAKO

1. Juan 14:1-3, 6

¹Huwag magulumihan ang inyong puso: magsisampalata-ya kayo sa Dios, magsisampalata-ya naman kayo sa Akin. ²Sa bahay ng aking Ama ay maraming tahanan; kung di gayon, ay sinabi Ko sana sa inyo; sapagka’t Ako’y paroroon upang ipaghanda Ko kayo ng dakong kalalagyan. ³At kung Ako’y pumaroon at kayo’y maipaghandan ng kalalagyan, ay muling paririto Ako, at kayo’y tatanggapin Ko sa Aking sarili; upang kung saan Ako naroroon, kayo naman ay dumoon. ⁶Sinabi sa kaniya ni Jesus, Ako ang daan, at ang katotohanan, at ang buhay: sinoman ay di makaparoroon sa Ama, kundi sa pamamagitan Ko.

2. Juan 14:12

¹²Katotohanan, katotohanang sinasabi ko sa inyo, Ang sa akin ay sumasampalataya, ay gaga-

win din naman niya ang mga gawang Aking ginagawa; at la-
long dakilang mga gawa kay sa
rito ang gagawin niya; sapagka’t
ako’y paroroon sa Ama.

3. Juan 14:13, 14

¹³At ang anomang inyong hin-
ngin sa aking pangalan, ay yaon
ang Aking gagawin, upang ang
Ama ay lumuwalhati sa Anak,
¹⁴Kung kayo’y magsisihingi ng
anoman sa pangalan Ko, ay ya-
on ang Aking gagawin.



4. Juan 14:15-17

¹⁵Kung Ako'y inyong iniibig, ay tutuparin ninyo ang aking mga utos. ¹⁶At ako'y dadalangin sa Ama, at kayo'y bibigyan niya ng ibang Mangaaliw, upang siyang sumainyo magpakailan man, ¹⁷Sa makatuwid бага'y ang Espiritu ng katotohanan: na hindi matatanggap ng sanglibutan; sapagka't hindi nito siya nakikita, ni nakikilala man

siya: siya'y nakikilala ninyo; sapagka't siya'y tumatahan sa inyo, at sasainyo.

5. Juan 14:27

²⁷Ang kapayapaan ay iniinwan ko sa inyo; ang aking kapayapaan ay ibinibigay ko sa inyo: hindi gaya ng ibinibigay ng sanglibutan, ang ibinibigay ko sa inyo. Huwag magulumihan ang inyong puso, ni matakot man.

1. Nangako si Jesus na **ipaghahanda** ng dakong kalalagyan ang mga sumusunod sa Kanya (Juan 14:1-3, 6).

2. Nangako si Jesus ng mas **dakilang mga gawa** sapagka't Siya ay paroroon sa Ama. (Juan 14:12).

3. Nangako si Jesus ng mas **malaking pribilehiyo sa panaalagin** ng mga inari niya (Juan 14:12, 14).

4. Nangako si Jesus ng mas **tiyak na presensiya** sa bawat alagad. Kung dumating na ang Banal na Espiritu, ang Panginong Jesus ay makakapanahan hindi lamang sa piling ng mga mananampalataya kundi sa bawat isang mananam-palataya (Juan 14:15-17).

5. Nangako si Jesus ng mas **dakilang kapayapaan** kaysa sa kayang ipagkaloob ng sanlibutan (Juan 14:27). Hindi tayo dapat matakot, sapagka't "**lalong dakila Siyang nasa inyo kay sa nasa sanglibutan**" (I Juan 4:4b).

Gawin Mo

A. Isulat sa papel ang lahat ng bagay na gagawin para sa atin ng Panginoong Jesus, o ng Banal na Espiritu.

B. Pumili ng tatlong talata mula sa Juan 14 na mahalaga para sa iyo, at sauluhin iyon. Isulat ang mga bilang ng talata rito:

SALAYSAY BILANG 23. ANG TUNAY NA PUNO NG UBAS



Juan 15:1-11

¹Ako ang tunay na puno ng ubas, at ang aking Ama ang magsasaka. ²Ang bawa't sanga na sa Akin ay hindi nagbubunga, ay inaalis niya: at ang bawa't sanga na nagbubunga ay nililinis Niya, upang lalong magbunga. ³Kayo'y malilinis na sa pamamagitan ng salita na sa inyo'y aking sinalita. ⁴Kayo'y manatili sa Akin, at Ako'y sa inyo. Gaya ng sanga na di makapagbunga sa kaniyang sarili maliban na nakakabit sa puno; gayon gayon din naman kayo, maliban na kayo'y manatili sa Akin. ⁵Ako ang puno ng ubas,

kayo ang mga sanga: Ang nananatili sa akin, at ako'y sa kaniya, ay siyang nagbubunga ng marami: sapagka't kung kayo'y hiwalay sa Akin ay wala kayong magagawa. ⁶Kung ang sinoman ay hindi manatili sa Akin, ay siya'y matatapong katulad ng sanga, at matutuyo; at mga titipunin at mga ihahagis sa apoy, at mangasusunog. ⁷Kung kayo'y magsipanatili sa akin, at ang mga salita ko'y magsipanatili sa inyo, ay hingin ninyo ang anomang inyong ibigin, at gagawin sa inyo ⁸Sa ganito'y lumuluwalhati ang aking Ama, na kayo'y magsipagbunga ng marami; at gayon kayo'y magiging aking mga alagad. ⁹Kung paanong inibig ako ng Ama, ay gayon din naman iniibig ko kayo: magsipanatili kayo sa aking pagibig. ¹⁰Kung tinutupud ninyo ang Aking mga utos, ay magsisipanahan kayo sa Aking pagibig; gaya ng aking pagtupad sa mga utos ng aking Ama, at ako'y nananatili sa kaniyang pagibig. ¹¹Ang mga bagay na ito ay sinalita ko sa inyo, upang ang Aking kagalakan ay mapasa inyo, at upang ang inyong kagalakan ay malubos.

Pananatili Kay Cristo

Kailangan tayong magpatuloy na mamuhay sa pamamagitan ng Kanyang Espiritu sa buong buhay ng ating pananampalayaang Cristiano. **“Napakamangmang na бага kayo? kayong nagpasimula sa Espiritu, ngayo’y nangagpapakasakdal kayo sa laman?”** (Galacia 3:3). Kung minsan, tayo ay nililinis o inaalisan ng karumihan ng Panginoong Jesus. Maaaring ang paglilinis na ito ay ang pagdaan sa pagsubok at pagtitiis. Ngunit nais lamang Niyang tayo ay lalong maging mabunga. **“Lahat ng parusa sa ngayon ay tila man din hindi ikaliligaya kundi ikalulungkot; gayon ma’y pagkatapos ay namumunga ng bungang mapayapa ng katuwiran sa mga nagsipagsanay sa pamamagitan nito”** (Hebreo 12:11).

Ano Ang Bungang Espiritual?

“Ang bunga ng Espiritu ay pagibig, katuwaan, kapayapaan, pagpapahinuhod, kagandahang-loob, kabutihan, pagtatapat, kaamuan, pagpipigil” (Galacia 5:22, 23a). Habang hinihiling ninyo sa Panginoon ang kanyang paglilinis, at sa bawat araw ang pagpupuspos ng Kanyang Espiritu, ang buhay ninyo’y magsisimulang lumikha ng kahanga-hangang bunga.

Mahigpit Na Babala

Kung hindi tayo *mananatili* kay Cristo, Siya ay nagbabala na tayo ay mga sangang pinutol, natuyo at tinipon upang sunungin. Iyon lamang namumunga at nananatili kay Cristo ang mga tunay niyang alagad (tal. 6 at 8). Ang alagad na si Judas ay nagpaala-ala sa atin, **“na nang mailigtas ng Panginoon ang isang bayan, sa lupain ng Egipto, ay nilipol Niya pagkatapos yaong mga hindi nagsisipanampalataya”** (Judas 5b).

Kung ang salita ni Jesus ay nasa atin, at sinusunod natin ang sinasabi Niya sa atin, tayo’y mananatili sa Kanyang pag-ibig (Juan 15:10). **“Ang Dios ay pagibig; at ang nananahan sa pagibig ay nananahan sa Dios, at ang Dios ay nananahan sa kaniya”** (I Juan 4:16b). Ganoon ka kamahal ng Dios! Mamuhay ka sa Kaniyang pag-ibig.

SALAYSAY BILANG 24. PINILI UPANG MAGING MGA KAIBIGAN!

Juan 15:12-16

¹²Ito ang aking utos, na kayo'y mangagibigan sa isa't isa, na gaya ng pagibig Ko sa inyo. ¹³Walang may lalong dakilang pagibig kay sa rito, na ibigay ng isang tao ang kaniyang buhay dahil sa kaniyang mga kaibigan. ¹⁴Kayo'y aking mga kaibigan, kung gawin ninyo ang mga bagay na Aking iniuutos sa inyo. ¹⁵Hindi ko na kayo tatawaging mga alipin; sapagka't hindi nalalaman ng alipin kung ano ang ginagawa ng

kaniyang panginoon: nguni't tinatawag Ko kayong mga kaibigan; sapagka't ang lahat ng mga bagay na narinig ko sa aking Ama ay mga ipinakilala ko sa inyo. ¹⁶Ako'y hindi ninyo hinirang, nguni't kayo'y hinirang ko, at aking kayong inihalal, upang kayo'y magsiyaon at magsipagbunga, at upang manatili ang inyong bunga: upang ang anomang inyong hingin sa Ama sa Aking pangalan, ay maibigay niya sa inyo.

SALAYSAY BILANG 25. ITINURO NI JESUS NA ASAHAN ANG PAG-UUSIG

Juan 15:19-25

¹⁹Kung kayo'y taga sanglibutan, ay iibigin ng sanglibutan ang kaniyang sarili: nguni't sapagka't kayo'y hindi taga sanglibutan, kundi kayo'y hinirang ko sa sanglibutan, kaya napopoot sa inyo ang sanglibutan. ²⁰Alalahanin ninyo ang salitang sa inyo'y Aking sinabi, Ang alipin ay hindi dakila kay sa kaniyang panginoon. Kung Ako'y kanilang pinagusig, kayo

man ay kanilang paguusigin din ²¹Datapuwa't ang lahat ng mga bagay na ito ay gagawin nila sa inyo dahil sa Aking pangalan, sapagka't hindi nila nakikilala ang sa Akin ay nagsugo.... ²³Ang napopoot sa Akin ay napopoot din naman sa aking Ama.... ²⁵Nguni't nangyari ito, upang matupad ang salitang nasusulat sa kanilang kautusan, Ako'y kinapootan nila na walang kadahilanan.

Juan 16:1-3, 33

¹Ang mga bagay na ito'y aking sinalita sa inyo, upang kayo'y huwag mangatisod. ²Kayo'y palalayasin nila sa mga sinagoga: oo, dumarating ang oras, na ang sinomang pumatay sa inyo ay aakalaing naghahandog siya ng paglilingkod sa Dios. ³At ang mga bagay na ito'y gagawin ni-la, sapagka't hindi nila nakikilala ang Ama, ni ako man. ...³³Ang mga bagay na ito ay sinalita Ko sa inyo, upang kayo'y magkaroon sa Akin ng kapayapaan. Sa sanglibutan ay mayroon kayong kapighatian: nguni't laksan ninyo ang loob; Aking dinaig ang sanglibutan.

Gawin Mo

1. Ang sanlibutan ay namumuhi sa mga Cristiano sapagka't sila ay hindi taga _____ (15:19).
2. Sinabi ni Jesus, "Ang napopoot sa akin ay napopoot din naman sa aking _____" (15:23).
3. Sa kabila ng mga kamangha-manghang bagay na ginawa ni Jesus dito sa lupa, kanilang _____ at _____ si Jesus at ang Kanyang Ama (15:24).
4. Sa katunayan, ang sanlibutan ay napopoot kay Jesus ng walang _____ (15:25).
5. Darating ang oras na yaong mga _____ sa mga Cristiano ay mag-aakalang naglilingkod sila sa _____ (16:2).
6. Gagawin nila ang mga bagay na ito sapagka't hindi nila _____ ang Ama o si Jesus (16:3).
7. Sa kabila ng mga paghihirap natin sa sanlibutan, magagawa nating magalak sapagka't _____ na ni Jesus ang sanlibutan (16:33).

SALAYSAY BILANG 26. NANALANGIN SI JESUS PARA SA ATIN

Juan 17:1-6, 15-25

¹Ang mga bagay na ito ay sinalita ni Jesus; at sa pagtingala ng Kaniyang mga mata sa langit, ay sinabi niya, Ama, dumating na ang oras; luwalhatiin mo ang

iyong Anak, upang ikaw ay luwalhatiin ng Anak: ²Gaya ng ibinigay mo sa kaniya ang kapamahalaan sa lahat ng laman, upang bigyan niya ng buhay na walang hanggan ang lahat ng ibinigay mo sa kaniya. ³At ito ang buhay na walang hanggan, na ikaw ay makilala nila na iisang Dios na tunay, at Siyang iyong sinugo, sa makatuwid baga'y si Jesucristo. ⁴Niluwalhati kita sa lupa, pagkaganap ko ng gawa na ipinagawa mo sa Akin. ⁵At ngayon, Ama, luwalhatiin mo Ako sa iyo rin ng kaluwalhatiang aking tinamo sa iyo bago ang sanglibutan ay naging gayon. ⁶Ipinahayag Ko ang iyong pangalan sa mga tao na ibinigay mo sa akin mula sa sanglibutan: sila'y iyo, at sila'y ibinigay mo sa akin; at tinupad nila ang iyong salita.

¹⁵Hindi ko idinadalangin na alisin mo sila sa sanglibutan, kundi ingatan mo sila mula sa masama. ¹⁶Hindi sila taga sanglibutan, na gaya ko naman na hindi taga sanglibutan. ¹⁷Pakabanalin mo sila sa katotohanan: ang salita mo'y katotohanan. ¹⁸Kung paanong Ako'y iyong sinugo sa sanglibutan, sila'y gayon ding sinusugo ko sa sang-



libutan....²⁰Hindi lamang sila ang idinadalangin ko, kundi sila rin naman na mga nagsisampalataya sa Akin sa pamamagitan ng kanilang salita; ²¹Upang silang lahat ay maging isa; na gaya mo, Ama, sa Akin, at Ako'y sa Iyo, na sila nama'y sumaaatin: upang ang sanglibutan ay sumampalataya na Ako'y sinugo mo. ²²At ang kaluwalhatiang sa Aki'y ibinigay mo ay ibinigay ko sa kanila; upang sila'y maging isa, na gaya naman natin na iisa; ²³Ako'y sa kanila, at ikaw ay sa akin, upang sila'y malu-

bos sa pagkakaisa; upang makilala ng sanglibutan na ikaw ang sa akin Ay nagsugo, at sila'y iyong inibig, na gaya ko na inibig mo. ²⁴Ama, yaong mga ibinigay mo sa Akin ay ibig kong kung saan ako naroroon, sila naman ay dumoong kasama ko, upang makita nila

ang kaluwalhatian ko, na ibinigay mo sa akin: sapagka't ako'y iyong inibig bago nata-tag ang sanglibutan. ²⁵Oh Amang banal, hindi ka nakikilala ng sanglibutan, nguni't nakikilala kita; at nakikilala ng mga ito na ikaw ang nagsugo sa akin.

Nanalangin Si Jesus Para Sa Iyo

Ang propetang si Isaias ay humula na ang Mesias ay **“namagitan sa mga mananalangsang”** (Isaias 53:12b). Nais Niyang ibigay ang buhay na walang hanggan sa sinumang tumanggap sa Kanya (Juan 17:2).

Bago siya mamatay, ipinalangin ni Jesus ang kanyang mga alagad na ingatan mula kay Satanas, ang masama. Ipinalangin din Niya ang lahat, sa mga susunod pang salinlahi, na maniniwala kay Jesus sa pamamagitan ng patotoo ng mga matapat na alagad. Siya ay nanalangin para sa *iyong*!

Nananalangin Siya para sa iyo ng walang patid. **“Dahil dito naman siya'y nakapagliligtas na lubos sa mga nagsisilapit sa Dios sa pamamagitan niya, palibhasa'y laging nabubuhay siya upang mamagitan sa kanila”** (Hebreo 7:25). Nawa, ang panalangin Niya'y matupad sa ating buhay at sa ating tahanan ngayon!

Sa huli, nang nanalangin si Jesus sa Getsemane, tinanong Niya ang Kanyang mga alagad, **“Ano, hindi kayo maaaring mangakipagpuyat sa akin ng isang oras?”** (Mateo 26:40). Naglalaan ka ba ng panahon sa Panginoon sa bawa't araw, nananalangin para sa mga naliligaw at sa katawan ng Panginoong Jesus, ang Iglesia? **“Magsilapit nga tayong may pagkakatiwala sa luklukan ng biyaya, upang tayo'y magsipagtamo ng awa, at mangakasumpong ng biyaya upang tumulong sa atin sa panahon ng pangangailangan”** (Hebreo 4:16).


SALAYSAY BILANG 27. SI JESUS AY MAY KARAPATAN SA KANYANG BUHAY AT KAMATAYAN

Juan 10:17, 18

17Dahil dito'y sinisinta Ako ng Ama, sapagka't ibinibigay Ko ang Aking buhay, upang kunin kong muli. **18**Sinoma'y hindi nagaalis sa Akin nito, kundi kusa kong ibinibigay. May kapangyarihan akong magbigay nito, at may kapangyarihan akong kumuhang muli. Tinanggap ko ang utos na ito sa aking Ama.

Juan 19:5-11

5Lumabas nga si Jesus, na may putong na tinik at balabal na kulay ube. Sa kanila'y sinabi ni Pilato, Narito, ang tao! **6**Pagkakita nga sa Kaniya ng mga pangulong saserdote at ng mga punong kawal, ay sila'y nangagsigawan, na sinasabi, Ipako Siya sa krus, ipako siya sa krus! Sinabi sa kanila ni Pilato, Kunin ninyo siya, at ipako ninyo Siya sa krus: sapagka't ako'y walang masumpungang kasalanan sa Kaniya. **7**Nagsisagot sa kaniya ang mga Judio, Kami'y mayroong isang kautusan, at ayon sa kautusang yaon ay nararapat siyang mamatay, sapagka't siya'y nagpa-



panggap na Anak ng Dios. **8**Pagkarinig nga ni Pilato ng salitang ito, ay lalong sinidlan siya ng takot; **9**At siya'y muling pumasok sa Pretorio, at sinabi kay Jesus, Taga saan ka? Nguni't hindi siya sinagot ni Jesus. **10**Sinabi nga sa kaniya ni Pilato, Sa akin ay hindi ka nagsasalita? Hindi mo бага nalalaman na ako'y may kapangyarihang sa iyo'y magpawala, at may kapangyarihang sa iyo'y magpako sa krus? **11**Sumagot si Jesus sa kaniya, Anomang kapangyarihan ay hindi ka magkakaroon laban sa Akin malibang ito'y ibinigay sa iyo mula sa itaas....

Si Jesus Ba Ay Maaaring Mamatay?

Dahil si Jesus ay tunay nga na Anak ng Dios, maaari ba na

patayin Siya ng mga tao? Walang taong may kapangyarihan sa Kanya. Tanging Siya lamang ang makapagpapasyang mamatay at muling mabuhay. Ipinaubaya ni Jesus na Siya ay dakipin ng mga Judio. Nang Siya ay hulihin, sinabi Niya, “**Ó inaakala mo бага na hindi ako makapamamanhik sa aking Ama, at padadalhan Niya ako ngayon din ng mahigit sa labing dalawang pulutong na mga anghel? Kung gayo’y paano bagang mangatutupad ang mga kasulatan, na ganyan ang nauukol na mangyari?**” (Mateo 26:53, 54). Nguni’t alam ni Jesus ang plano ng Dios na nahayag sa mga Kasulatan.

Si Jesus mismo ang nagsabi, “**Kinakailangang magbata ng maraming mga bagay ang Anak ng tao, at itakuwil ng matatanda at ng mga pangulong saserdote at ng mga eskriba, at patayin, at muling ibangon sa ikatlong araw**” (Lukas 9:22b). Napakaganda ng plano ng Dios na lupigin ni Jesus ang kamatayan! “**Dahil sa ang mga anak ay mga may bahagi sa laman at dugo, siya nama’y gayon ding nakabahagi sa mga ito; upang sa pamamagitan ng kamatayan ay kaniyang malipol yaong may paghahari sa kamatayan, sa makatuwid ay ang diablo: At mailigtas silang lahat na dahil sa takot sa kamatayan ay nangasailalim ng pagkaalipin sa boong buhay nila**” (Hebreo 2:14, 15). Ikaw ba ay takot sa kamatayan? Si Jesus ay namatay para palayain ka! Oo, ninais ni Jesus na ialay ang Kanyang buhay para sa iyo!

SALAYSAY BILANG 28. SI JESUS AY IPINAKO AT INILIBING

Juan 19:17, 18, 30-37

¹⁷Kinuha nga nila si Jesus: at siya’y lumabas, na pasan niya ang krus, hanggang sa dakong tinatawag na **Dako ng bungo**, na sa wikang Hebreo ay tinatawag na **Gólgota**: ¹⁸Na doo’y ipinako nila Siya sa krus, at ka-

sama niya ang dalawa pa, isa sa bawa’t tagiliran, at si Jesus sa gitna. . . . ³⁰Nang matanggap nga ni Jesus ang suka, ay sinabi niya, Naganap na: at iniyukayok ang kaniyang ulo, at nalagot ang kaniyang hininga. . . . ³²Nagsiparoon na ang

mga kawal, at inumog ang mga hita ng una, at ng sa isa na ipinako sa krus na kasama niya: ³³Nguni't nang magsiparoon sila kay Jesus, at makitang siya'y patay na, ay hindi na nila inumog ang kaniyang mga hita: ³⁴Gayon ma'y pinalagpasan ang kaniyang tagiliran ng isang sibat ng isa sa mga kawal, at pagdaka'y lumabas ang dugo at tubig....³⁶Sapagka't ang mga bagay na ito ay nangyari, upang matupad ang kasulatan, Ni isa mang buto niya'y hindi mababali. ³⁷At sinabi naman sa ibang kasulatan, Magsisitingin sila sa Kaniya na kanilang pinagulusanan.



Juan 19:41, 42

⁴¹Sa dako nga ng pinagpakuan sa Kaniya ay may isang halamanan; at sa halamana'y may isang bagong libingan na kailan ma'y hindi pa napaglalaman ng sinoman. ⁴²Doon nga, dahil sa Paghahanda ng mga Judio (sapagka't malapit ang libingan) ay kanilang inilagay si Jesus.

Ang Pagkamatay Ni Cristo Ay Hindi Aksidente

Ang susi sa pagkaunawa sa Biblia ay ang malaman na ang lahat ng aklat dito ay nakasentro kay Cristo. **“At magmula kay Moisés at sa mga propeta, ay ipinaaninaw Niya sa kanila ang mga bagay tungkol sa Kaniya sa lahat ng mga kasulatan”** (Lukas 24:27). Alam ni Jesus na **“ang lahat ng mga bagay na nangasusulat tungkol sa akin sa kautusan ni Moisés, at sa mga propeta, at sa mga awit”** (Lukas 24:44b). **“Nang magkagayo'y binuksan Niya ang kanilang mga pag-iisip, upang mapagunawa nila ang mga kasulatan; at sinabi Niya sa kanila, Ganyan ang pagkasulat, na kinakailangang maghirap ang Cristo, at magbangong muli sa mga patay sa ikatlong araw; at ipangaral sa Kaniyang pangalan ang pagsisisi at pagpapatawad ng mga kasalanan sa lahat ng mga bansa, magbuhat sa Jerusalem”** (Lukas 24:45-47).

Kamang-manghang plano ng Dios! Kung ika'y may Biblia, pag-aralan mo ang mga Kasulatan na makikita mo kung paa-nong ipinaalam ng Dios sa sanlibutan ang Kanyang plano sa mga aklat ng Matandang Tipan at kung paanong tinupad lahat ni Jesus ang mga planong iyon.

Ang Plano Ng Dios Kay Jesus	Hula	Kaganapan
Pangakong "binhi ng babae"	Genesis 3:15	Galacia 4:4
Pangakong "binhi ni Abraham"	Genesis 18:18	Mga Gawa 3:25
Kapanganakan sa Betlehem	Mikas 5:2	Mateo 2:1
Ipanganakan ng isang birhen	Isaias 7:14	Mateo 1:18
Ministeryo sa Galilea	Isaias 9:1, 2	Mateo 4:12-16
Magiging isang propeta	Deut. 18:15	Juan 6:14
Magiging isang saserdote	Mga Awit 110:4	Hebreo 6:20
Magiging isang Hari	Isaias 9:7	Juan 18:36, 37
Pagtanggi ng mga Judio	Isaias 53:3	Juan 1:11; 5:43
Matagumpay na pagpasok sa Jerusalem	Zacarias 9:9	Juan 12:13-15
Pagkaila ng isang kaibigan	Mga Awit 41:9	Marcos 14:10
Ipagpalit sa 30 pirasong pilak	Zacarias 11:12	Mateo 26:15
Bulaang saksi laban sa Kanya	Mga Awit 27:12	Mateo 26:60, 61
Tahimik habang pinararantangan	Isaias 53:7	Mateo 26:62, 63
Hinampas at niluraan	Isaias 50:6	Marcos 14:65
Ipinakong kasama ng mga makasalan	Isaias 53:12	Mateo 27:38
Dinurog mga kamay at paa	Mga Awit 22:16	Juan 20:27
Kinutya at hinamak	Mga Awit 22:6-8	Mateo 27:39, 40
Binigyan ng suka upang inumin	Mga Awit 69:21	Juan 19:29
Pinanalangin ang mga kaaway	Isaias 53:12	Lukas 23:34
Dinurong tagiliran	Zacarias 12:10	Juan 19:34
Walang butong mababasag	Mga Awit 34:20	Juan 19:33
Inilibing kasama ng mga makasalan	Isaias 53:9	Mateo 27:57-60
Ang pagkabuhay na mag-uli	Mga Awit 16:10	Mateo 28:9
Ang Pag-akyat muli sa langit	Mga Awit 68:18	Lukas 24:50, 51

(Para sa kumpletong kasaysayan ng kamatayan ni Jesus, basahin ang Mateo 26 at 27; Marcos 14 at 15; Lukas 22 at 23; Juan 18 at 19; Isaias 53 at Mga Awit 22).

SALAYSAY BILANG 29. SI JESUS AY NABUHAY MULA SA MGA PATAY

Juan 20:1-9

¹Nang unang araw nga ng sanglinggo ay naparoong maaga sa libingan si Maria Magdalena, samantalang madilim pa, at nakita ang bató na naalis na sa libingan. ²Tumakbo nga siya, at naparoon kay Simón Pedro, at sa isang alagad na iniibig ni Jesus, at sa kanila'y sinabi, Kinuha nila sa libingan ang Panginoon, at hindi namin maalaman kung saan nila siya inilagay. ³Umalis nga si Pedro, at ang isang alagad, at nagsitungo sa libingan.... ⁶Dumating naman nga si Simón Pedro, na sumusunod sa kaniya, at pumasok sa libingan; at nakita niyang nangakalatag ang mga kayong lino, ⁷At ang panyo na nasa ka-



niyang ulo, ay hindi kasamang nakalatag ng mga kayong lino, kundi bukod na natitiklop sa isang tabi. ⁸Nang magkagayo'y pumasok din naman nga ang isang alagad, na unang dumating sa libingan, at siya'y nakakita at sumampalataya. ⁹Sapagka't hindi pa nila napagunawa ang kasulatan, na kinakailangang siya'y muling magbangon sa mga patay.

Bakit Ang Pagkabuhay Na Mag-Uli Ay Napakahalaga?

Si Job noon ay nagtanong ng ganito: **“Kung ang isang tao ay mamatay, mabubuhay pa ba siya?”** (Job 14:14a). Ito ang kanyang masayang tugon: **“Nguni't talastas ko na manunubos sa akin ay buháy, at siya'y tatayo sa lupa sa kahulihulihan: at pagkatapos na magibang ganito ang aking balat, gayon ma'y makikita ko ang Dios sa aking laman”** (Job 19:25, 26).

Oo, sapagka't Siya ay nabuhay ay mabubuhay rin naman tayo (Juan 14:19). Ang buong mensahe ng ebanghelyo ay nilagom ni Pablo sa dalawang talatang ito: **“Sapagka't ibini-**

gay ko sa inyo una sa lahat, ang akin namang tinanggap: na si Cristo ay namatay dahil sa ating mga kasalanan, ayon sa mga kasulatan, at siya'y inilibing; at siya'y muling binuhay nang ikatlong araw ayon sa mga kasulatan" (1 Corintio 15:3, 4).

Kung hindi dahil sa pagkabuhay na mag-uli ni Jesucristo, tayo'y mananatiling namumuhay sa ating mga kasalanan at nalalaan para sa kamatayan. Nguni't purihin ang Dios, si Jesus ay buhay, at maaaring mamuhay Siya sa inyo!

Ngayon Kailangan Tayong Mamuhay Para Sa Kanya

"At siya'y namatay dahil sa lahat, upang ang nangabubuhay ay huwag nang mabuhay pa sa kanilang sarili, kundi doon sa namatay dahil sa kanila at muling nabuhay" (II Corinto 5:15). Tayo'y namatay na sa ating mga kasalanan noong si Cristo ay namatay para sa atin; ngayon tayo ay buhay sa Dios. Tayo'y mga bagong nilalang sa Kanya. Hindi natin dapat ipamuhay ang bagong buhay na ito para sa ating sarili, kundi sa Kanya! **"Sapagka't kayo'y binili sa halaga: luwalhatiin nga ninyo ng inyong katawan ang Dios"** (I Corinto 6:20).

SALAYSAY BILANG 30. NAGPAKITA SI JESUS KAY MARIA

Juan 20:11-17

¹¹Nguni't si Maria ay nakatayo sa labas ng libingan na umiiyak: sa gayon, samantalang siya'y umiiyak, siya'y yumuko at tumingin sa loob ng libingan; ¹²At nakita niya ang dalawang anghel na nararamtan na nangakaupo, ang isa'y sa ulunan, at ang isa'y sa paanan, ng kinalalagyan ng bangkay ni Jesus. ¹³At sinabi nila sa kaniya, Babae, bakit ka umiiyak? Sinabi niya sa kanila, Sapag-

ka't kinuha nila ang aking Panginoon, at hindi ko maalaman kung saan nila inilagay Siya. ¹⁴Pagkasabi niya ng gayon, siya'y lumingon, at nakitang nakatayo si Jesus, at hindi nalalaman na yaon ay si Jesus. ¹⁵Sinabi sa kaniya ni Jesus, Babae, bakit ka umiiyak? sino ang iyong hinahanap? Siya, sa pagaakalang yao'y maghahalaman, ay nagsabi sa kaniya, Ginoo, kung ikaw ang kumuha sa Kaniya, ay sabihin mo sa akin



kung saan mo siya inilagay, at akin siyang kukunin. ¹⁶Sinabi sa kaniya ni Jesus, Maria. Lumingon siya, at nagsabi sa kaniya sa wikang Hebreo, Rabonni; na ang ibig sabihin ay, Guro. ¹⁷Sinabi sa kaniya ni Jesus, Huwag mo akong hipuin; sapagka't hindi pa Ako nakakaaakyat sa Ama, nguni't pumaron ka sa aking mga kapatid, at sabihin mo sa kanila, Aakyat ako sa aking Ama at inyong Ama, at aking Dios at inyong Dios.

Paano Pinahalagahan Ni Jesus Ang Mga Kababaihan?

Maging sa oras ng matinding kapighatian o sa oras ng lubos na kagalakan ay ipinakita ni Jesus ang Kanyang pagpapahalaga sa kababaihan. Noong Siya'y naghihirap sa krus, Siya'y nangusap sa Kanyang ina at itinagubilin niya ito sa pangangalaga ng alagad na malapit sa Kanya, si Juan (Juan 19:26, 27). Nang Siya'y nabuhay na mag-uli, ang una Niyang pinili na pagpakitaan ay isang babae—ang isa pang Maria.

Ang mga babaeng banal, na nagtitiwala sa Dios at naga-gayakan ng espiritong maamo at payapa ay **“may malaking halaga sa paningin ng Dios”** (I Pedro 3:4b). Binigyan ng Dios ang lalaki at babae ng kapwa karapatan na lumapit kay Cristo at tumanggap ng parehong pagpapala. **“Walang magiging lalake ó babae man; sapagka't kayong lahat ay iisa kay Cristo Jesus”** (Galacia 3:28b).

Mahalaga sa Dios ang mga babae kung kaya't inutusan Niya ang mga kalalakihan na ibigin ang kani-kanilang mga asawa gaya ng pag-ibig ni Cristo sa Iglesia sa pamamagitan ng pag-aalay mismo Niya ng kanyang sarili para rito (Efeso 5:25).

Nais ng Dios ang magandang pagsasamahan ng mga magasawa. Ayaw Niya ng paghihiwalay. **“Sapagka’t aking kinapopootan ang paghihiwalay, sabi ng Panginoon, ng Dios ng Israel”** (Malakias 2:16a). **“Na huwag ninyong gawin ang anoman sa pamamagitan ng pagkakampikampi ó sa pamamagitan ng pagpapalalo, kundi sa kababaan ng pag-iisip, na ipalagay ng bawa’t isa ang iba na lalong mabuti kay sa kaniyang sarili”** (Filipos 2:3).

SALAYSAY BILANG 31. NAGPAKITA SI JESUS SA MGA ALAGAD

Juan 20:19-22

¹⁹Nang kinahapunan nga, nang araw na yaon, na unang araw ng sanglinggo, at nang nangapipinid ang mga pintong kinaroroonan ng mga alagad, dahil sa katakutan sa mga Judio ay dumating si Jesus at tumayo sa gitna, at sa kanila’y sinabi, Kapayapaan ang sumainyo. ²⁰At nang masabi niya ito, ay kaniyang ipinakita sa kanila ang kaniyang mga kamay at ang kaniyang tagiliran. Ang mga alagad nga’y nanga-galak, nang makita nila ang Panginoon. ²¹Sinabi ngang muli sa kanila ni Jesus, Kapayapaan ang sumainyo: kung paanong




pagkasugo sa akin ng Ama, ay gayon din naman sinusugo ko kayo. ²²At nang masabi niyo ito, sila’y hiningahan Niya, at sa kanila’y sinabi, Tanggapin ninyo ang Espiritu Santo.

Gawin Mo

Ano ang sinabi ni Jesus? Punan ang mga puwang.

1. “_____ ang sumainyo...” (tal. 19).
2. “Kung paanong pagkasugo sa akin ng Ama, ay gayon din naman _____” (tal. 21).
3. “_____ ninyo ang Espiritu Santo” (tal. 22).

SALAYSAY BILANG 32. NANIWALA ANG MA-PAGDUDANG ALAGAD



Juan 20:24-29

²⁴Nguni't si Tomás, isa sa labingdalawa, na tinatawag na Didimo, ay wala sa kanila nang dumating si Jesus. ²⁵Sinabi nga sa kaniya ng ibang mga alagad, Nakita namin ang Panginoon. Nguni't sinabi niya sa kanila, Malibang aking makita sa kaniyang mga kamay ang butas ng mga pako, at maisuot ko ang aking daliri sa butas ng mga pako, at maisuot ko ang aking kamay sa kaniyang tagiliran, ay

hindi ako sasampalataya. ²⁶At pagkaraan ng walong araw ay muling nasa loob ng bahay ang kaniyang mga alagad, at kasama nila si Tomás. Dumating si Jesus, nang nangapipinid ang mga pinto, at tumayo sa gitna, at sinabi, Kapayapaan ang sumainyo. ²⁷Nang magkagayo'y sinabi niya kay Tomás, Idaiti mo rito ang iyong daliri, at tingnan mo ang aking mga kamay; at idaiti mo rito ang iyong kamay, at isuot mo siya sa aking tagiliran: at huwag kang di mapanampalatayahin, kundi mapanampalatayahin. ²⁸Sumagot si Tomás at sa kaniya'y sinabi, Panginoon ko at Dios ko. ²⁹Sinabi sa kaniya ni Jesus, Sapagka't ako'y nakita mo ay sumampalataya ka: mapapalad yaong hindi nangakakita, at gayon ma'y nagsisampalataya.

Isang Natatanging Pagpapala

Sinabi ni Jesus na mas mapalad ang naniniwala sa Kanya kahit hindi pa Siya nakikita. Sa ngayon, alam nating nananahan Siya sa atin sa pamamagitan ng Kanyang Espiritu. Alam din natin na sa pamamagitan ng mga salita sa Biblia, Siya ay nangungusap sa atin. Balang araw ay makikita natin Siya. **“Narito, siya’y pumaparitong nasasa mga alapaap; at makikita siya ng bawa’t mata”** (Apocalipsis 1:7a).

SALAYSAY BILANG 33. MAY KAPANGYARIHAN SI JESUS NA MAGBIGAY NG ATING MGA PANGANGAILANGAN

Juan 21:3b-6, 9-12, 15-17

Sila'y nagsiyaon, at nagsilulan sa daong; at nang gabing yaon ay wala silang nahuling anoman. ⁴Nguni't nang nagbubukang liwayway na, si Jesus ay tumayo sa baybayin.... ⁵Sa kanila nga'y sinabi Jesus, Mga anak, mayroon бага kayong anomang makakain? Nagsisagot sila sa kaniya, Wala. ⁶At kaniyang sinabi sa kanila, Ihulog ninyo ang lambat sa dakong kanan ng daong, at makakasumpung kayo. Inihulog nga nila, at hindi na nila mahila dahil sa karamihan ng mga isda.... ⁹Kaya't nang sila'y magsilunsad sa lupa, ay nakakita sila doon ng mga bagang uling, at isda ang nakalagay sa ibabaw, at tinapay.... ¹²Sinabi sa kanila ni Je-

sus, Magsiparito kayo at mangagpawing gutom....

¹⁵Kaya't nang mangakapagpawing gutom sila, ay sinabi ni Jesus kay Simón Pedro, Simón, anak ni Juan, iniibig mo бага ako ng higit kay sa mga ito? Sinabi niya sa kaniya, Oo, Panginoon; nalalaman mo na kita'y iniibig. Sinabi niya sa kaniya, Pakanin mo ang aking mga kordero. ¹⁶Sinabi niya sa kaniyang muli sa ikalawa, Simón anak ni Juan, Iniibig mo бага ako? Sinabi niya sa kaniya, Oo, Panginoon; nalalaman mo na kita'y iniibig. Sinabi niya sa kaniya, Alagaan mo ang aking mga tupa. ¹⁷Sinabi niya sa kaniya sa ikatlo, Simón, anak ni Juan, Iniibig mo бага ako? Nalumbay si Pedro sa-pagka't sa kaniya'y sinabing makaitlo, Iniibig mo бага ako? At sinabi niya sa kaniya, Panginoon, nalalaman mo ang lahat ng mga bagay; nalalaman mo na kita'y iniibig. Sinabi sa kaniya ni Jesus, Pakanin mo ang aking mga tupa.



Halika Na't Makisalo

Sinabi ni Jesus, **“Mapapalad ang nangagugutom at nang-aauhaw sa katuwiran: sapagka’t sila’y bubusugin”** (Mateo 5:6). Lumapit ka sa Kanyang presensiya tuwing umaga para sa espirtual na agahan, kumain sa Kanyang Salita, upang mabusog ang kaluluwa.

Kung ikaw ay kay Cristo, meron ka pang isang magandang paanyaya na “lumapit at makinsalo.” Bago dumating si Jesus bilang Hari ng mga hari at Panginoon ng mga panginoon, ang walang hanggang pakikipag-isa Niya sa mga mananampalataya ay idaraos sa isang malaking hapunan. **“Tayo’y mangagalak at tayo’y mangagsayang mainam, at siya’y ating luwalhatiin; sapagka’t dumating ang pagkakasal ng Kordero, at ang kaniyang asawa ay nahahanda na. At sa kaniya’y ipinagkaloob na damtan ang kaniyang sarili ng mahalagang lino, makintab at tunay; sapagka’t ang mahalagang lino ay siyang mga matuwid na gawa ng mga banal”** (Apocalipsis 19:7, 8). Si Jesus lamang ang kasuotan ng katuwiran na magpapaging dapat sa atin na sumalo sa malaking handaan. **“Yaong hindi nakakilala ng kasalanan ay Kaniyang inaring may sala dahil sa atin: upang tayo’y maging sa Kaniya’y katuwiran ng Dios”** (II Corinto 5:21). Tunay na kahanga-hangang pagpapalit. Inako Niya ang ating kasalanan at inibigay Niya sa atin ang Kaniyang katuwiran!

Pakanin Mo Ang Aking Mga Tupa

Matapos na ikaw ay pakanin ni Jesus, nais Niyang pakanin mo rin ang iba. Nakakain ba ang iyong kaluluwa sa pagbabasa mo ng Pag-aaral sa aklat na ito ng Juan? **“Pangalagaan ninyo ang kawan ng Dios na nasa inyo”** (I Pedro 5:2a). Tayo’y magiging pagpapala sa iba sa pamamagitan ng pagbahagi ng Salita ng Dios at pagiging mabuting halimbawa sa kanila. **“Na ituro ninyo sa kanila na kanilang ganapin ang lahat ng mga bagay na iniutos Ko sa inyo: at narito, Ako’y sumasa inyong palagi, hanggang sa katapusan ng sanglibutan”** (Mateo 28:20).

Mga Sagot Sa Mga Tanong

Nasasaad sa ibaba ang mga sagot sa mga tanong sa mga aralin upang iyong masuri kung tumpak ang iyong kasagutan. Itugma lamang sa pahinang ito matapos na sagutin mo ang lahat ng mga tanong.

Pahina 4, 5

- | | |
|-------------------|---------------------|
| 1. Dios | 7. mga anak |
| 2. Kasama ng Dios | ng Dios, |
| 3. buhay | 8. dugo, laman, |
| 4. kadiliman | tao, Dios |
| 5. Juan | 9. laman |
| 6. sarili | 10. sa piling natin |
| | 11. anak |

Pahina 8, 9

1. tinig, ilang
2. ituwid, daan
3. pagkatapos, bago pa
4. Kordero, Dios, mga kasalanan, sanlibutan
5. kalapati, Banal na Espiritu

Pahina 14

1. Gawin ninyo ang ano mang sa inyo'y sabihin.
2. hanggang sa labi

Pahina 21, 22

- | | |
|------------------------------|-------------------|
| 1. guro | 8. hahatulran, |
| 2. maipanganak na muli | iligtas |
| 3. tubig, Espiritu | 9. hahatulan, su- |
| 4. laman | mampalataya |
| 5. Espiritu | 10. kadiliman, |
| 6. Moisés, ahas | liwanag, |
| 7. iniibig, mapahamak, buhay | masasama, |
| | kahatulan |
| | 11. katotohanan |

Pahina 28, 29

1. Siya ay napagod
2. bigyan mo ako ng maiinom
3. ang mga Judio ay hindi nakikitungo sa mga Samaritano
4. tubig na nagbibigay buhay
5. ang sino mang uminom ng tubig na mula sa balong ito ay muling mauuhaw. Subali't ang sino mang umiinom ng tubig na ibinibigay ni Jesus ay hindi na mauuhaw pang muli.

6. Siya ay may 5 asawa at nakikisama sa hindi niya asawa.
7. sumamba
8. sa Espiritu at katotohanan
9. pumunta sa bayan at ibinalita sa mga tao ang patungkol kay Jesus
10. upang gawin ang kalooban ng nagsugo sa Kanya at ganapin ang Kanyang gawain.
11. Ang Kristo, ang Taga-pagligtas ng sanlibutan.

Pahina 34

- | | |
|--------------------------------------|--------------------------|
| 1. 38 | 5. a. sinira and Sabbath |
| 2. gumaling | b. kapaantay ng Dios |
| 3. tumindig, lumakad | |
| 4. huwag ka nang magkasala pang muli | |

Pahina 42

- | | |
|-----------------------|---------------------|
| 1. magpatuloy, alagad | 5. pag-ibig |
| 2. katotohanan | 6. Dios |
| 3. alipin | 7. kalooban malaman |
| 4. Anak | |

Pahina 44, 45

- | | |
|-----------------|----------|
| 1. Jesus | 5. bulag |
| 2. kapwa | 6. Jesus |
| 3. Pariseo | 7. bulag |
| 4. mga magulang | |

Pahina 61

1. naghugas, mga paa, humugas, paa
2. inibig, magibigan

Pahina 67

- | | |
|-------------------|--------------------|
| 1. sanlibutan | 5. pumapatay, Dios |
| 2. Ama | 6. nakilala |
| 3. nakita, napoot | 7. nagtagumay |
| 4. sanhi | |

Pahina 77

- | | |
|--------------------|--------------|
| 1. kapayapaan | 3. tanggapin |
| 2. isinugo ko kayo | |

BUKLET NA MAGAGAMIT

Habang patuloy ang pagpapala ng Panginoon sa pama-
magitan ng mga kontribusyon, mabibigyan ng libreng kopya
ang sinomang may nais para sa pansariling pag-aaral o grupo.
Sabihin lamang nang malinaw kung paano ipamimigay ang
munting aklat na ito. Sumulat sa:

WORLD MISSIONARY PRESS, INC.
P.O. Box 120
New Paris, Indiana 46553-0120 U.S.A.

Ang munting aklat na ito ay hindi para sa maramihang
distribosyon. Ito'y para sa pansarili at grupong pag-aaral.

Walang Bayad – Hindi Ipinagbibili

Cover art by Andrew Beverly

www.wmpress.org

1-23



Read booklets online or by App
www.wmp-readonline.org

1309/2 Tagalog BSJ